



又 8
765
1



伊門  
765  
卷 1

78  
765  
12

唐才子傳

第一目錄

王績

崔信明

王勃

楊炯

盧照隣

駱賓王

杜審言

沈佺期

宋之問

劉希夷

陳子昂

李百藥

李嶠

張說

王翰

吳筠

張子容

李昂

孫逖

盧鴻

王泠然

劉昫

王濟

崔顥

祖詠

儲光羲

楊炯  
沈佺期



而已。翹尋其來，國風雅頌，開其端，離騷招魂，放厥辭。  
蘇李之高妙，足以定律。建安之道壯，繁尔成家。爛熳  
於江左，濫觴於齊梁。皆韻祖公流，坦然明白，鏗鏘愧  
金石，炳煥却丹青。理窮必通，因時為變，勿訝於枘楫。  
非土所宜，誰別於涓涔。投膠自定，蓋係乎得失之運。  
也。唐幾三百年，鼎鐘挾雅道，中間大體三變。故章句  
有焦心之人，聲律至穿楊之妙，於法而能備於言，無  
所假及其。逸度高標，波遺韻，臨高能賦，閑暇微吟。  
舊格近體，古風樂府之類，方沃當代，響起陳人。淡寂  
無枯悴之嫌，繁藻無淫妖之忌。猶金碧助彩，官商自

恊端足以仰結先塵，俯謝來世。清廟之瑟，薰風之琴。  
未或簡其沈辭，兩晉風流不相下於秋毫也。余遐想  
高情，身服斯道，究其梗槩，行藏散見，錯出使覽。於述  
作尚昧音容，洽彼姓名，未辨機軸，窅切病之。頃以端  
居多暇，害事都捐，游目簡編，宅心史集，或求詳累帙。  
因循先傳，撰擬成篇，班班有據，以悉全時之盛用。成  
一家之言，各冠以時，定為先後，遠陪公議，誰得而誣。  
也。如方外高格，述名散人，上漢仙侶，幽閨綺思，雖多  
微考實故，別於論之天下，英奇所見，畧似人心相去。  
苦亦不多，至若觸事懷隨，附篇未異，方之士，弱冠

裴然徂於見聞豈所能盡敢倡斯盟尚賴同志相與  
庶焉庶乎作九京於長夢誅一代之清風後來奮飛  
可畏相激百世之下猶期賞音也傳成凡二百七十  
八篇因而附錄不泯者又一百二十家釐爲十卷名  
以唐才子傳云有元大德甲辰春引  
夫雲漢昭回仰彌高於宸極洪鐘希叩發至響於咸  
池以太宗大縱玄廟聰明憲德文信睿姿繼挺俱以  
萬機之暇特駐吟情奎壁騰輝袞龍浮彩寵延臣下  
每錫贈酬故上有好者下必有甚焉者矣

### 六帝

### 王績

績字無功絳州龍門人文中子通之弟也年十五遊  
長安謁楊素一坐服其英敏目爲神仙童子隋大業  
末舉孝廉高第除秘書正字不樂在朝辞疾復授楊  
洲六合縣丞以嗜酒妨政時天下亦亂遂托病風輕  
舟夜遁歎曰細羅在天吾將安之乃還故鄉至唐武  
德中詔徵以前朝官待詔門下省績弟靜謂績曰待  
詔可樂否曰待詔俸薄况蕭瑟但良醞三斗差可戀  
耳待詔江國公聞之曰三斗良醞未足以絆王先生  
特判日給一斗時人呼爲斗酒學士貞觀初以疾罷

歸河渚間有仲長子光者亦隱士也無妻子續愛真  
真遂相近結廬日與對酌君有奴婢數人多種黍春  
秋釀酒養鳧蒔藥草自供以周易莊老置牀頭無  
他用心也自號東臯子雖刺史謁見皆不答終於家  
性簡微好飲酒能盡五斗自著五斗先生傳彈琴為  
詩著文高情勝於獨步當時撰酒經一卷酒譜一卷  
李淳風見之曰君酒家南董也及詩賦等傳世  
論曰唐興迨李業治日少而亂日多雖草衣帶索牢  
得安居當其時遠釣弋者不走山而逃海斯德而隱  
者矣自王君以下幽人間出皆遠騰長往之士危行

言遂重撥禍機糠覈軒冕掛冠引退往往見之躍身  
衮令之途標華黃綺之列雖或累聘丘園勉如冠佩  
適足以速深藏於藪澤耳然猶有不能逃白刃死非  
命焉夫蹟晦名彰風高塵絕豈不以有翰墨之妙騷  
雅之奇美哉文章為不朽之盛事也耻不為堯舜  
學者之所同志致君於三五懦夫尚知勇為今則捨  
聲利而向栖々鹿冠烏丸便於錦繡之服柴車茅舍  
安於丹雘之厦藜羹不糝其於五鼎之味素琴濁酒  
和於醇飴之奉樵青山漁白水足於佩金魚而紅紫  
綬也時有未同也事有不侔也向子平曰吾故知富

不如貧貴不如賤茅未知死何如生此達人之言也  
易曰懲之時義大哉

### 崔信明

信明青州人少英敏及長強記義文章高孝基語人  
曰崔生才冠一時但恨位不到耳隋大業中為堯城  
令竇建德僭號信明弟仕賊勸信明降節當得義官  
不肯從遂踰城去隱太行山中唐貞觀六年詔即家  
拜興勢丞遷秦川令卒信明特才蹇兀掌自矜其文  
時有揚州錄事參軍榮陽鄭世翼亦驚俗忤物遇信  
明於江中謂曰聞君有楓落吳江冷之句仍願見其

餘信明欣然多出舊製鄭覽其未終曰所見不逮所聞  
投卷於水中引舟而去今其詩傳者數篇而已

### 王勃

勃字子安太原人王通之諸孫也六歲善辭章麟德  
初劉道祥表其材對策高第未及冠授朝散郎沛王  
召署府修撰時諸王鬪雞會勃戲為文檄英王羅高  
宗聞之怒斥出府勃既廢客劍南登山曠望慨然思  
諸葛之功賦詩見情又嘗匿死罪宮奴恐事洩輒殺  
之事實當誅會赦除名父福時坐是左遷交趾令勃  
往省親途過南昌時都督閻公新修滕王閣成九月

九日大會賓客將令其塔作記以誇盛事勃至入謁  
帥知其才因請爲之勃欣然對客操觚頃刻而就文  
不加點滿座大驚酒酣辭別帥贈百緡即舉帆去至  
炎方舟入洋海溺死時年二十九勃屬文綺麗請者  
甚多金帛盈積心織而衣筆耕而食然不甚精思先  
磨墨數外則酣飲引被覆面卧及寤接筆成篇不易  
一字人謂之腹藁嘗言人子不可不知醫時長安曹  
允有秘方勃盡得其術又以調劑多藥草求補參軍  
衛才陵籍僚吏疾之有集三十卷及舟中纂序五卷  
本行於世○勃嘗遇異人相之曰子神強骨弱蒸膚

體羸腦骨虧陷目睛不全秀而不實終無大貴矣故  
其才長而命短者豈非相乎

### 楊炯

炯華陰人顯慶六年舉神童授校書郎永隆二年皇  
太子舍奠表豪俊充崇文館學士後爲婺洲盈川令  
卒炯恃才蕙傲每耻朝士矯飾呼爲麒麟或問之  
曰今假弄麒麟戲者必刻畫其形覆驢上宛然異物  
及去其皮還是驢耳聞者甚不平故爲時所忌初張  
說以箴贈盈川之行戒其苛刻至官果以酷稱炯博  
學善文與左勃盧照隣駱賓王以文辭齊名海內稱

檀音絢履  
範也



四才子亦曰四傑勉之者風靡焉烟掌謂吾愧在盧  
前耻居王後張說曰盈川文如懸河酌之不竭耻王  
後愧盧前謙也有盈川集三十卷行于世

### 盧昭隣

照隣字升之范陽人調鄧王府典籤王愛重謂人曰  
此吾之相如也後遷新都尉嬰病去官居太白山墓  
閣得方士玄明膏餌之會父喪號慟因嘔丹輒出疾  
愈其家貧苦貴宦時時供衣藥乃去具茨山下買園  
數十畝疏潁水周舍復豫為墓偃卧其中自以當高  
宗之時尚吏已獨儒武后尚法已獨黃老后封松山

屢聘賢士已々廢著五悲文以自明手足孿緩不起  
行已十年每春歸秋至雲壑烟郊輒與出戶庭悠然  
一望遂自傷作釋疾文有云履壽雖廣嗟不容乎此  
生亭育雖繁恩已絕乎斯代與親屬訣自沈潁水有  
詩文二十卷及幽憂子三卷行於世

### 駱賓王

賓王義烏人七歲能賦詩武后時數上疏言事得罪  
貶臨海丞鞅鞅不得志弃官去文明中徐敬業起兵  
欲反正往投之署為府屬為敬業作檄傳天下景在  
武后罪所見讀之矍然曰誰為之或以賓王對后曰

有如此亦不用宰相過也及敗亡命不知所之後宋  
之間貶還道出錢塘遊靈隱寺夜日行吟長廊下曰  
鷲嶺巖峩龍宮隱寂寥未得下聯有老僧燃燈坐  
禪問曰少年不寐而吟諷甚苦何耶之間曰欲題此  
寺而思不屬僧咲曰何不道樓觀滄海日門對浙江  
潮之間終篇曰桂子月中落天香雲外飄捫蘿登塔  
遠剝木取泉遙雲薄霜初下水輕葉未凋待入天台  
寺看余渡石橋僧一聯篇中警策也遲明訪之已不  
見老僧即駱賓王也傳聞桴海而去矣後中宗詔求  
其文得百餘篇及詩等十卷命郊雲卿次序之及百

道判集一卷今傳於世

### 杜審言

審言字必簡京兆人預之遠裔咸亨元年宋守節榜  
進士為隰城尉恃高才傲世見疾蘇味道為天官侍  
郎審言集判出謂人曰味道必死人驚問何故曰被  
見吾判當羞死耳又曰吾文章當得屈宋作衙官吾  
筆當得王羲之北面其矜誕類此坐事貶吉州司戶  
及武后召還將用之間曰卿喜不審言舞蹈謙后令  
賦歡喜詩繼旨授著作郎為修文館直學士卒初審  
言病宋之間武平一徃省候曰甚為造化小兒相苦

尚何言然吾在久歷公等今且死但恨不見替人也  
少與李嶠崔融蘇味道為文章四友有集十卷今不  
存但傳詩四十餘篇而已

### 沈佺期

佺期字雲卿相州人上元二年鄭益榜進士王五言  
由協律考功郎受賕長流驩州後召拜起居郎兼脩  
文館直學士常侍官中既侍宴帝詔學士等為回波  
舞佺期作弄辭悅帝詔賜牙絳歷中書舍人佺期嘗  
以詩贈張燕公公曰沈三兄詩清麗須讓居第一也  
詩名大振○自魏建安迄江左詩律屢變至沈約鮑

照庾信徐陵以音韻相婉附屬對精緻及佺期之間  
又加靡麗迴忌聲病約句準篇著定格律遂成近體  
如錦綉為文學者宗尚語曰蘇李居前沈宋比肩謂  
唐詩變體始自二公猶始自蘇武李陵也有集十卷  
今傳於世

### 宋之問

之問字延清汾州人上元二年進士偉貌辯給甫冠  
武后召與楊炯分直習藝館累轉尚方監丞后遊龍  
門詔從臣賦詩左史東方虬詩先成后賜錦袍之問  
俄頃獻后覽之嗟賞更奪袍以賜後求北門學士以

有齒疾不許遂作明河篇有明河可望不可親之句  
以見志諂事張易之坐貶龍州後逃歸匿張仲之家  
聞仲之謀殺武三思乃告變擢鴻臚簿遷考功郎復  
媚太平公主以知舉賄賂狼籍下遷越州長史窮歷  
剡溪山水置酒賦詩日遊宴賓客雜還睿宗立以無  
悛悟之心流欽州御史劾奏賜死人言劉希夷之報  
也徐堅嘗論其文如良金美玉無施不可有集行世

### 劉希夷

希夷字延芝潁川人上元二年鄭益榜進士時年二  
十五射策有文名苦篇詠特善閨帷之作詞情哀怨

多依古調體勢與時不合遂不為所重希夷姿容  
姸談笑善彈琵琶飲酒至數斗不醉落魄不拘常檢  
掌作白頭吟一聯云今年花落顏色改明年花開復  
誰在既而歎曰此語識也石崇謂白首同所歸復何  
以異乃除之又吟曰年年歲歲花相似歲歲年年人  
不同彼歎曰死生有命豈由此虛言乎遂併存之舅  
宋之問苦愛後一聯知其味傳於人懇求之許而竟  
不與之問怒其詐已使奴以土囊壓殺於別舍時未  
及三十人悉憐之有集十卷及詩集四卷今傳○希  
夷天賦俊爽才情如此想其事業勲名何所不至孰

謂奇蹇之運遭逢惡人寸祿不霑長懷頓挫斯才高而見忌者也賈生悼長沙之屈祿衡痛江夏之來慘焉折首夫何殞命以隋侯之珠彈千仞之雀所較者輕所失者重王逆松摧良可惜也况於骨肉相殘者乎

### 陳子昂

子昂字伯玉梓州人開耀二年許且榜進士初年十八時未知書以富家子在俠尚无才博後入鄉校感悔即於州東南金華山觀讀書痛自脩飾精究墳典耽愛黃老易象光宅元年詣闕上書諫靈駕入京召

見武后奇其才遂拜麟臺正字令云地籍黃華文稱曠擘累遷拾遺聖曆初解官歸會父喪廬塚次縣令段簡舍殘聞其冒造詎子昂協取賂二十萬緡猶薄之遂送獄子昂自筮卦驚曰天命不祐吾始窮乎果死獄中年四十三子昂貌柔雅為性褊躁輕財好施焉朋友之義唐興文章承徐庾餘風天下祖尚子昂始變雅正初為感遇詩三十章王適見而驚曰此子必為海內文宗猶是知名凡所著論世以為法詩調尤工掌勸后興明堂大學以調元死與遊英俊多康權衡柳公權評曰能極著述克備此典唐興以來

子昂而已有集十卷今傳○嗚呼古來材大或難爲用象以有齒卒焚其身信哉子昂之謂歟

### 李百藥

百藥字重規定州人幼多病祖母以百藥名之七歲能文謁父德林爵會高祖招杜伏威百藥勸朝京師中道而悔怒飲以石灰酒因大利幾死既而宿病皆愈負觀中拜中書舍人遷太子庶子掌侍帝同賦帝京篇手詔褒美曰卿何身老而才之壯齒宿而意之新乎百藥才行天下推服好辨薦後進翰藻沈鬱詩尤所長有集傳世

### 李嶠

嶠字巨山趙州人十五通五經二十擢進士累遷爲監察御史武后時同鳳閣鸞臺平章事後因罪貶廬州別駕卒嶠富才思有所屬綴人輒傳諷明皇將幸蜀登花萼樓使樓前善水調者奏歌歌曰山川滿目淚霑衣富貴榮華能幾時不見只今汾水上惟有年年秋鴈飛帝慘愴移時顧侍者曰誰爲此對曰故宰相李嶠之詞也帝曰真才子不待終曲而去嶠前與王勃楊炯接中與崔融蘇味道齊名晚諸人沒與文章宿矣學者取法焉今集五十卷雜詠詩十二卷單

提詩一百二十首張方為註傳於世

### 張說

說字道濟洛陽人垂拱四年舉學綜古今科中第三等考策日封進授太子校書令日張說文思清新鞏能優洽金門對策已居高科之首銀榜効官宜申命之秩後累遷鳳閣舍人睿宗時兵部侍郎平章事開元十八年終左丞相燕國公說敦无節重然諾為文精壯長於碑誌朝廷大述作多出其手詩法特妙絕調岳陽詩益悽婉人謂得江山之助今有集三十卷行于世子均開元四年進士亦以詩鳴

### 王翰

翰字子羽并州人景雲元年廬逸下進士及第又舉直言極諫又舉超拔群類科少豪蕩恃才不羈喜縱酒櫪多名馬家畜妓樂翰發言立意自比王侯日聚英傑縱禽擊鼓為歡張嘉貞為本州長史厚遇之翰酒間自歌舞屬嘉貞神先軒舉張說尤加禮異及輔政召為正字擢駕部員外郎說罷翰出為仙州別駕以窮樂改飲貶嶺表道卒翰工詩多壯麗之詞文士祖諫杜華等嘗與遊從華母崔氏云吾聞孟母三遷吾今欲卜居使汝與王翰為隣足矣其才名如此燕

公論其文如瑠杯玉簾雖爛然可珍而多玷缺云有集今傳○太史公恨古布衣之俠湮沒無聞以其義出存亡生死之間而不伐其德千金駟馬纔啻草芥信哉名不虛立也觀王翰之无其若人之儔乎

### 吳筠

筠字貞節華陰人通經義義文辭舉進士不中隱居南陽倚帝山為道士天寶中玄宗遣使詔至京師與語甚悅勅待詔翰林獻玄綱三篇帝問道對曰深於道者惟老子五千言其餘徒費紙禮耳後問神仙治鍊之術曰此野人之事績歲月求之非人主所宜留

意筠每陳設名教世務帝重之初筠愛會稽山水往來天台剡中與李白孔巢父相遇酬唱至是因薦於朝帝即遣使召之筠性高鯁其待詔翰林時恃恩顧高力士素奉佛尊短筠於上前筠故多著賦文深識釋氏頗為通人所譏云後知天下將亂苦求還山詔為立道觀大曆間李弇子謚為宗元先坐善為詩有集十卷權德輿序之

### 張子容

子容襄陽人開元元年常無名榜進士仕為樂城令初與孟浩然同隱鹿門山為死生交詩篇唱答頗多



後值亂離流寓江表嘗送內兄李錄事歸故皇云十年多難與君同幾處移家逐轉蓬白首相逢征戰後青春已過亂離中行人杳々看西白啼馬蕭々向壯風漢水楚雲千萬里天涯此別恨無窮後竟弃官歸舊業有詩集興趣高遠畧去凡近當時哲匠咸稱道焉

### 李曰昂

昂開元二年壬午下狀元及第天寶間仕為禮部侍郎知貢舉獎拔寒素甚多工詩有戚夫人楚舞歌一篇播傳人口真佳作也

### 孫逖

孫逖州人幼而有文屬思警敏授筆成篇開元二年舉手筆俊拔哲人奇士隱淪屠釣及文藻宏麗等科第十人及第玄宗引見擢左拾遺集賢殿修撰改考功員外郎遷中書舍人與顏真卿李華蕭穎士皆同時稱海內名士仕終刑部侍郎善詩古調今格采其所長集二十卷今傳

### 盧鴻

鴻字浩然隱居崧山博學善八分書工詩兼画山水樹石開元初玄宗僭禮徵再不至詔曰鴻有秦一

之道中庸之德鈞深誦微確乎自高詔書屢下每輒  
詩詠使朕虚心引領于今有年雖得素履幽人之介  
而失考父滋恭之誼禮有大倫君臣之義不可廢也  
有司其賈束帛之具重宣茲旨想其翻然易節副朕  
意焉鴻遂至東都謁見不拜宰相問狀荅曰禮者忠  
信所薄臣敢以忠信見帝召升內殿置酒拜諫議太  
夫固辭復下詔許還山將行賜隱居服官營草堂鴻  
到山中廣精舍從學者五百人及卒詔賜萬錢營葬  
後皮自休為七愛詩謂傲太君者必有真隱盧微君  
是也工詩今傳甚多

### 王冷然

冷然山東人開元五年裴耀卿下進士授將仕郎守  
太子校書郎工文賦詩元質豪爽當言無所回忌乃  
卓犖奇才濟世之器惜其不大顯而終有集今傳

### 劉脊虛

脊虛崧山人姿容秀拔九歲屬文上書召見拜童子  
郎開元十年徐徵榜進士調洛陽尉遷夏縣令性  
高古脫畧勢利嘯傲風塵後欲卜隱廬阜不果交遊  
多山僧道侶為詩情幽興遠思雅詞音忽有所得便  
驚衆聽當時東南高唱者數十人聲律婉態無出其

右唯天骨不逮諸公求明已還端可傑立江表善爲  
方外之言夫何不來天碎國寶有志不就惜哉集今  
傳世

### 王灣

濟開元十年常無名榜進士與學士綦毋潛契切  
詞翰早著爲天下所稱往來吳楚間多有著述如江  
南意一聯云海日生殘夜江春入舊年詩人以來罕  
有此作張燕公手題於政事堂每示能文令爲楷式  
曾奉使登終南山有賦志趣高遠識者不能棄焉

### 崔顥

顥汴州人開元十年源少良下及進士第天寶中  
爲尚書司勳員外郎少年爲詩意浮艷多陷輕薄晚  
節忽變常體風骨凜然一窺塞垣狀極戎旅奇造往  
往並驅江鮑後遊武昌登黃鶴樓感慨賦詩及李白  
來曰眼前有景道不得崔顥題詩在上頭無作而去  
爲哲匠歛手云然行履稍劣好蒲博嗜酒娶妻擇美  
者稍不愜即棄之凡易三四初李邕聞其名虛舍邀  
之顥至獻詩首章云十五嫁王昌邕叱曰小兒無禮  
不與接而入顥苦吟詠當病起清虛友人戲之曰非  
子病如此乃苦吟詩瘦耳遂爲口實天寶十三年卒

有詩一卷今行

### 祖詠

詠洛陽人開元十二年杜綰榜進士有文名商璠評其詩剪刻省靜用思尤苦无雖不高調頗凌俗足稱爲才子也少與王維爲吟侶維在濟州寓官舍贈祖三詩有云結交三十載不得一日展貧病子既深契閱余不淺盖亦流落不偶極可傷也後移家歸汝墳間別業以漁樵自終有詩一卷傳於世

### 儲光羲

光羲兗州人開元十四年嚴迪榜進士有詔中書試

文章嘗爲監察御史值安祿山陷長安輒受僞署賊平後自歸貶死嶺南工詩格高調逸趣遠情深削盡常言挾風雅之道養浩然之无覽者猶聆韶濩音先洗桑濮耳庶幾乎賞音也有集七十卷正論十五卷九經分義疏二十卷並傳

唐才子傳卷第一

唐才子傳卷第二目錄

包融

崔國輔

盧象昇

綦毋潛

王昌齡

辛霽

常建

賀蘭進明

崔署

陶翰

王維

裴迪

崔興宗

薛據

劉長卿

李穆

李季蘭

劉媛

鮑君微

崔仲容

元淳

薛縕

崔公達

張窈窕

程長文

梁瑀

廉氏

姚月華

裴羽仙

劉瑤

常浩

葛鸚兒

譚意哥

張夫人

張文姬

趙氏

耻々

薛媛

閻防

李傾

張誼

孟浩然

丘爲

李白

杜甫

鄭夏

高適

沉千運

孟雲卿

此詩公壽... 趙桑... 常建... 陶翰... 劉長卿... 崔仲容... 程長文... 梁瑀... 廉氏... 姚月華... 張夫人... 張文姬... 趙氏... 耻々... 孟浩然... 丘爲... 李白... 杜甫... 沉千運... 孟雲卿



王無瑕清塵遠播芝蘭繼芳重難改於父道騷雅接響賤不慊於祖風四難之間揮塵之際亦可以為美談矣

### 崔國輔

國輔山陰人開元十四年嚴迫榜進士與儲光羲其母潛同時舉縣令累遷集賢直學士禮部郎中天寶間坐是王鉷近親貶竟陵司馬有文及詩婉變清芬深宜諷詠樂府短章古人有不能過也初至竟陵與處士陸鴻漸遊三歲交情至厚謔笑永日又相與較定茶水之品臨別謂羽曰予有襄陽太守李愷所遺白驢烏鬚生各一頭及廬所遺文槐書函一枚此物皆已之所惜者宜野人蓄故特以相贈雅意高情一時所尚有醇醪之歌詩并集傳焉

### 廬象

象字緯鄉汶水人鴻之姪也雙家來居江東最久仕為校書郎左拾遺膳部員外郎授奕祿山偽官貶永剛司戶參軍後為主客員外郎有詩名譽充秘閣雅而不素有大體得國土之風集二十卷今傳同在有韋述為桑泉尉時詔求逸書命述等編校於朝元殿後為翰林學士有詩名今亦傳焉

綦毋潛

潛字孝通，荆南人。開元十四年，嚴迪榜進士及第，授  
宜壽尉。遷右拾遺，入集賢院，待制。後授校書。終著作，  
即與李端同時。詩調吃卒峭，精足佳句，善寫方外之  
情。歷代未有荆南分野數百年來，獨秀斯人。後見兵  
亂，官况日惡，挂冠歸隱。江東別業，王維有詩送之曰：  
明時久不達，弃置與君同。天命無怨色，人生有素風。  
一時文士咸賦詩祖餞，其榮有集一卷行世。

王昌齡

昌齡字少伯，太原人。開元十五年，李嶷榜進士，授江

水尉。又中宏辭，遷校書郎。後以不護細行，貶龍標尉。  
以刀火之際，歸鄉里。為刺史閻丘曉所忌而殺。後張  
鎬按軍河南，曉愆期將戮之，辭以親老乞恕。鎬曰：王  
昌齡之親欲與誰養乎？曉大慚，追昌齡，工詩，續密而  
思清。時稱詩家夫子。王江寧蓋嘗為江寧令，與文士  
王之渙、辛漸交友，至深。皆出模範，其名重如此。有詩  
集五卷，又述作詩格律境思體例共十四篇，為詩格  
一卷。又詩中密旨一卷及古樂府解題一卷，今並傳。  
○自元嘉以還，四年之內，曹劉陸謝風骨頗盡，逮備  
光義，王昌齡頗從厥跡，兩賢无同而體別也。王績聲



峻奇句俊格驚耳駭目奈何晚途不矜小節謗議騰  
涕兩竄遐荒使知音者喟然長歎至歸全之道不亦  
痛哉

### 常建

建長安人開元十五年與王昌齡同榜登科大曆中  
授盱眙尉仕頗不如意遂放浪琴酒往來太白紫閣  
諸峯有肥遯之志嘗採藥仙谷中遇女子遍體毛綠  
自言是秦時官人亡入山來食松華遂不饑寒因授  
建微旨所養非常後寓鄂渚招王昌齡張僖同隱獲  
大名當時集一卷今傳○古稱高才而無貴仕誠哉

是言曩劉楨死於文學鮑照卒於參軍今建亦淪於  
一尉悲夫建屬思既精詞亦警絕似初發通莊却尋  
野徑百里之外方歸大道肯遠興僻能論意表可謂  
一唱而三歎矣

### 賀蘭進明

進明開元十六年屢成榜進士及第仕為御史大夫  
肅宗時出為河南節度使時祿山群黨未平掌帥師  
屯臨淮倫賊竟亦無功進明好古博雅經藉滿腹其  
所著述一百餘篇頗究天人之際又有古詩樂府等  
數十篇大體符於阮公皆今所傳者云

崔署

署宋州人少孤貧不應薦辟志况踈爽擇交於方外  
苦讀書高栖少室山中與薛據友善工詩言詞款要  
情與悲源送別登樓俱堪淚下集傳于今也

陶翰

翰潤州人開元十八年崔暉夕下進士及第次年  
博學宏辭與鄭昉同時官至禮部員外郎為詩詞筆  
雙美既多興象後倫風骨三百年以前方可論其裁  
製大為當時所稱今有集相傳

王維

維字摩詰太原人九歲知屬辭工草隸閑音律岐王  
重之維將應舉岐王謂日子詩清越者可錄數篇託  
管新聲能度一曲同詣九公主第維其如言是日諸  
伶擁維獨奏主問何名曰鬱翰袍因出詩卷主曰皆  
我習諷謂是古作乃子之佳製乎延於上座曰京兆  
得此生為解頭榮哉力薦之開元十九年狀元及第  
擢左拾遺遷給事中賊陷兩京駕出幸維扈從不及  
為所擒服藥繃瘖病祿山愛其才逼至洛陽供舊職  
拘於普施寺賊宴凝碧池悉召梨園諸工合樂維痛  
悼賦詩曰萬戶傷心生野烟百官何日再朝天秋槐

花落空宮，裏凝碧池頭。羨管絃時聞，行在所賦平後。授偽官者，皆定罪。獨維得免。仕至尚書右丞。維詩入妙品。上々盡思。亦然至山水。平透雲勢石色。皆天機所到。非學而能。自為詩云。當代謬詞客。前身應畫師。後人評維詩中。有畫々中有詩。信哉。客有以按樂圖示維者。曰。此霓裳第二疊。最初指也。對曲果然。萬志奉佛蔬食素衣。喪妻不再娶。孤居三十年。別墅在藍田縣南。輞川亭館相望。嘗自寫其景物奇勝。日與文士。在丹裴迪崔興宗遊覽。賦詩琴樽自樂。後表宅請以為寺。臨終作書。辭親友。停筆而化。代宗訪維文章。

第續集賦詩等十卷上之。今傳于世。

### 薛據

據荆南人。開元十九年。王維榜進士。天寶六年。又中風雅古調科。第十人。於吏部參選。據自恃才名。請受萬年錄事流外官。訶宰執以為。為赤縣。是其等清要。據無媒。改涉縣令。後仕歷司議郎。終水部郎中。據為人骨鯁。有氣魄。文章亦然。嘗自傷不得早達。造句往往追凌鮑謝。初好棲道。居高鍊藥。晚歲置別業。終南山下。老焉。有集。今傳。

### 劉長卿

十子卷二

六

長卿字文房河間人少居嵩山讀書後移家來鄆陽  
最久開元二十一年徐徵榜及第至德中歷監察御  
史以檢校祠部員外郎出為轉運使判官知淮西岳  
鄂轉運留後觀察使吳仲孺誣奏非罪繫姑蘇獄又  
之貶潘州南巴尉會有為辯之者量移睦州司馬終  
隨州刺史長卿清才冠世頗凌浮俗性剛多忤權門  
故兩逢遷斥人悉寃之詩調雅暢甚能煉飾其自賦  
傷而不怨足以發揮風雅權德輿稱為五言長城長  
卿嘗謂今人稱前有沈宋王杜後有饒即劉李李嘉  
祐即士元何得與余並驅每題詩不言姓但書長卿

以天下無不知其名者云灑陸碧澗有別業今集詩  
賦文等傳世淮南李穆有清才公之壻也

### 李季蘭

季蘭名冶以字行峽中人也道士也美容姿神情蕭  
散專心翰墨善彈琴尤工格律當時才子頗誇纖麗  
殊少荒艷之態始年六歲時作薔薇詩云經時不架  
却心緒亂縱橫其父見曰此女聰黠非常恐為失行  
婦人後以交遊文士微泄風聲皆出乎輕薄之口夫  
士有百行女唯四德季蘭則不然形氣既雄詩意亦  
蕩自鮑照以下罕有其倫時往來剡中與山陰陸羽

上人皎然意甚相得皎然嘗有詩云天女來相訪將  
花欲染衣禪心竟不起還捧舊華歸其譔浪至此又  
嘗會諸賢於烏程開元寺知河間劉長卿有陰重之  
疾請曰山氣日夕佳劉應聲曰衆鳥欣有託舉坐大  
笑論者兩美之天寶間玄宗聞其詩才詔赴闕留宮  
中月餘優賜甚厚遣歸故山評者謂上比班姬則不  
足下比韓英則有餘不似遲暮亦一俊媪有集今傳  
於世論曰詩云關雎樂得淑女以配君子憂在進  
賢不淫其色哀窈窕思賢才而無傷苦之心焉故古  
詩之道各在六義然終歸于正不離乎雅是有昔賢

婦人散情文墨雖入簡牘既而論之後來班姬傷秋  
扇以暫恩謝娥詠絮雪而同素大家七試執者修省  
蔡琰胡笳聞而心折率以明白之操微羨之誠欲見  
於悠遠寓文以宣情含意而見志豈泛濫之故使人  
擊節竅洒彈指追念良有謂焉噫筆墨固非女子之  
事亦在用之如何且苟天之可逃禮不必備則詞爲  
自獻之具詩有妬情之作衣服酒食無閑淨之容鈔  
華膏澤多辭飾之態故不相宜矣是播惡於衆何關  
雅之義哉歷觀唐以雅道獎士類而閨閣英秀亦能  
熏染錦心繡口蕙情蘭性足可尚矣中間如李季蘭

魚玄機皆躍出方外修清淨之教陶寫岳懷留連光  
景逍遙閑暇之功無非雲水之念與名儒比隆珠璣  
瓊復然浮艷委託之心終不能盡白璧微瑕惟在此  
耳薛濤流落歌舞以靈慧獲名當時此亦難矣三者  
既不可畧如劉媛劉雲鮑君微崔仲容道士元淳薛  
縕崔公達張窈窕程長文梁瓊廉氏姚月華裴羽仙  
劉瑤常浩萬鷗兒崔鶯兒譚意哥戶部侍郎言中孚  
妻張夫人鮑參軍妻文姬杜羔妻趙氏張建封妾昭  
々南楚材妻薛媛等皆能華藻才色雙美者也或望  
幸離宮傷寵後掖或以從軍萬里斷絕音耗或抵連

年迢遙風水或為若子妻或為商人婦花雨春夜月  
露秋夫玄鳥將謝賓鴻來屆搗錦石之流黃織迴文  
於緗綺魂夢飛遠關山到難當此時也濡毫命素寫  
怨書懷一語一聯俱堪墮淚至若間以半題雜以纖  
穠道浩奔之約叙久曠之情不假綠琴但飛紅紙中  
間不能免焉尺有短而寸有長故未欲推理之云爾

### 閩防

防河中入開元二十二年李琚榜及第顏真卿甚敬  
愛之欲薦於朝不屈為人好古博雅詩語真素魂清  
魄爽放曠山水高情獨詣於終南山豐德寺結茹茨

喧當作喧

讀書百丈溪是其隱處題詩云浪蹟弃人世還山自  
密獨始傍巢由蹤吾其獲心曲又云養閑度人事達  
命知止足不學魯國儒俟時勞伐輻後信命不務進  
取以此自終有詩集行世

### 李頎

頎東川人開元二十三年賈李隣榜進士及第調新  
鄉縣尉性疎簡厭薄世務慕神仙服餌丹砂期輕舉  
之道結好塵喧之外一時名輩莫不重之工詩發調  
既清修辭亦秀雜歌咸善玄理最長多為放浪之語  
足可震蕩心神惜其偉材只到黃綬故其論家往往

高於衆作有集今傳

### 張諲

諲未嘉人初隱少室下閉門修業志甚勤苦不及聲  
利後應舉官到刑部員外郎明揚象善草隸兼畫山  
水詩格高古與李頎友善事王維為兄皆為詩酒丹  
青之契維贈詩云屏風誤點成孫郎團扇草書驚肉  
史李頎贈曰小主破體閑支策落月梨花空照壁詩  
堪記室妬風流畫與將軍作勅敵天寶中謝官歸故  
山偃仰不復來人間矣有詩傳世

### 孟浩然

肄音異習也

浩然襄陽人少好節義詩工五言隱鹿門山即漢龐  
公棲隱處也四十遊京師諸名士間嘗集秘省聯句  
浩然曰微雲淡河漢踈南滴梧桐衆飲服張九齡王  
維極稱道之維待詔金鑿下且私邀入商較風雅祇  
報玄宗臨幸浩然錯愕伏匿床下維不敢隱因奏聞  
帝喜曰朕素聞其人而未見也詔出再拜帝問曰卿  
將詩來耶對曰偶不齋即命吟近作誦至不才明主  
棄多病故人踈之句帝慨然曰卿不來仕朕何嘗棄  
卿奈何誣我因命放還南山後張九齡署爲從事開  
元末王昌齡遊襄陽時新病起相見甚歡浪情宴譔

食鮮勤疾而終○古稱衲衲不遇趙壹無祿觀浩然  
磬折謙退才名日高竟淪明代終身白衣良可悲六  
其詩文未半草經緯綿密半遵雅調全削凡近所著  
三卷今傳王維畫浩然像於郢州爲浩然亭咸通中  
鄭緘謂賢者名不可斥更名曰孟亭今存焉

### 丘爲

爲嘉興人初累舉不第歸山讀書數年天寶初劉單  
榜進士王維甚稱許之嘗與唱和初事繼母孝有靈  
芝生堂下累官太子右庶子時年八十餘母猶無恙  
給俸祿之半觀察使韓滉以爲致仕官給祿所以惠

耳音冗

混音黃



養老臣不可在喪為異唯罷春秋羊酒初還縣令謂之為侯門聲折令坐方拜里昏立庭下既出乃駮坐經縣署降馬而過舉動有禮卒年九十六有集行世

### 李白

白字太白山東人母夢長庚星而誕因以命之十歲通五經自夢筆頭生花後天才瞻逸喜縱橫擊劍為任俠輕財好施更客任城與孔巢父韓準裴政張叔羽陶沔居徂徠山中日沉飲號竹溪六逸天寶初自蜀至長安道未振以所業投賀知章讀至蜀道難難

曰子謫仙人也乃解金龜換酒終日相樂遂薦於宋召見金鑾殿論時事因奏頌一篇帝喜賜食親為調羹詔供奉翰林嘗大醉上前草詔使高力士脫鞵力士耻之摘其清平調中飛燕事以激怒貴妃帝每欲與官妃輒沮之白益傲放與賀知章李適之汝陽王璣崔宗之蘓晉張旭焦遂為飲酒八仙人聚未還山賜黃金詔放歸自浮遊四方欲登花山乘醉騎驢經縣治幸不知怒引至庭下曰汝何人敢無禮白供狀不書姓名曰曾令龍巾拭吐御手調羹貴妃捧硯力士脫鞵天子門前尚容走馬花陰縣裏不得騎驢

宰驚愧拜謝曰不知翰林至此自長英而去掌乘舟  
與崔宗之自采石至金陵著宮錦袍坐傍若無人祿  
山反明皇在蜀永王璘節度東南自時卧廬山碎為  
僚佐璘起兵反自逃還彭澤璘敗累繫浔陽獄初自  
遊并州見郭子儀奇之曾救其死罪至是郭子儀請  
官以贖詔長流夜郎自晚節好黃老度牛渚磯乘酒  
捉月沈水中初悅謝家青山今墓在焉有文集二十  
卷行世或云自涼武昭王嵩九世孫也

### 杜甫

甫字子美京兆人審言生開令生甫少貧不自振容

兵越齊趙間李苗奇其材先往見之舉進士不中第  
困長安天寶三載玄宗朝獻太清宮饗廟及郊甫奏  
賦三篇帝奇之使待詔集賢院命宰相試文章擢河  
西尉不拜改右衛率府胥曹參軍數上賦頌高自稱  
道且言先臣郊禱以來承儒守官十一世迨審言以  
文章顯臣賴緒業自七歲屬辭且四十年然衣不蓋  
體常寄食於人竊恐轉死溝壑伏惟天子哀憐之若  
令執先臣故事拔泥塗久辱則臣之迹作雖不足鼓  
吹六經先鳴數子至沈鬱頓挫隨時敏給揚雄故事  
可企及也有臣如此陛下其忍棄之會祿山亂天子

入蜀甫避走三川肅宗立自鄜州羸服欲奔行在為  
賊所得至德二年亡走鳳翔上謁拜左拾遺與房琯  
為布衣交琯時敗兵又以琴客董廷蘭之故罷相甫  
上疏言罪細不宜免大臣帝怒詔三司雜問宰相張  
鎰曰甫若抵罪絕言者路帝解不復問時所在寇奪  
甫家寓鄜彌年艱窶孺弱至餓死因許甫自往省視  
從還京師出為花州司功參軍關輔飢輒棄官去客  
秦州負薪拾橡粟自給流落劍南營草堂成都西郭  
浣花溪召補京兆功曹參軍不至會嚴武節度劍南  
西川往依焉武再帥劍南表為參謀檢校工部員外

郎武以世舊待甫甚善親詣其家甫見之或時不巾  
而性褊躁傲誕常醉登武床瞻視曰嚴挺之乃有此  
兒武中銜之一日欲殺甫集吏於門武將出冠鉤於  
簾者三左右走報其母力救得止崔旰等亂甫往來  
梓夔間大曆中出瞿塘泝沅湘以登衡山因客來陽  
遊嶽祠天水暴至涉旬不得食縣令具舟迎之乃得  
還為設生炙白酒大醉一昔卒年五十九甫放曠不  
自檢好論天下大事高而不切也與李自齊名時號  
李杜數堂寇亂挺節無所汗為歌詩傷時撓弱情不  
忘君人皆憐之墳在岳陽有集六十卷及澗州刺史

樊是基小集今傳。能言者未必能行，能行者未必能言。觀李杜二公，踴躍版蕩之際，語々王霸褒貶，得失忠孝之心，驚動千古，騷雅之妙，雙振當時，兼衆善於無今，集大成於往作。歷世之下，想見風塵，惜乎長轡未馳，奇才並屈，竹帛少色，徒列空言，嗚呼哀哉！昔謂杜之典重，李之飄逸，神聖之際，二公造焉。觀於海者，難為水遊，李杜之門者，難為詩斯言信哉。

### 鄭戩

戩，鄭州人，高士也。蘇詩公為宰相，申以忘年之契，薦為著作，即嘗以當世事著書八十餘篇，有告戩私撰

國史者，戩蒼惶焚之，坐謫十年。玄宗愛其才，開元二十五年為更置廣文館，戩為博士。廣文博士自戩始。杜甫為交，有贈詩曰：才名四十年，坐客寒無氈。惟有蘇司業，時々與酒錢。其窮飢輒軻淡如也。好琴酒，篇詠善圖山水，能書，苦無紙於慈恩，守貯柿葉數屋，遂日就書殆遍，嘗自寫其詩并畫表獻之。玄宗大署其尾曰：鄭戩三絕，與李杜為密友，多緹，鄭廣文、祿山及偽授水部員外郎，託以疾不奪。賊平，張通、王維並囚繫，三人皆善畫，崔圓使繪齋壁，因為析解，得貶台州司戶，率有集行世。

高道

適字達夫一字仲武滄州人少惟拓落不拘小節耻  
預常科隱跡博徒才名便遠後舉有道授封丘尉未  
幾哥舒翰表掌書記後擢諫議大夫負氣敢言權近  
側目李輔國忌其才蜀亂出為蜀彭二州刺史遷西  
川節度使還為左散騎常侍未泰初卒適尚氣節語  
王霸衮衮不厭遭時多難以功名自許年五十始學  
為詩即工以氣質自高多胸臆間語母一篇已好事  
者輒傳播吟玩嘗過汴州與李白杜甫會酒酣登吹  
臺慷慨悲歌臨風懷古人莫測也中間唱和頗多今

有詩文等二十卷及所選至德迄大曆述作者二十  
六人詩為中興間氣集二卷並傳

沈千運

千運吳興人工舊體詩氣格高古當時士流皆敬慕  
之號為沈四山人天寶中數應舉不第時生齒已邁  
遨遊襄鄧間干謁名公來濮上感懷賦詩曰聖朝優  
賢良章澤無遺族人生各有命在余胡不淑一生但  
區々五十無寸祿衰落當捐棄貧賤招謗讟其時多  
艱自知屯蹇遂浩然有歸歎之志賦詩曰棲隱無別  
事所願離風塵不來城邑遊禮樂拘束人又曰如何

巢與由天子不得臣遂釋志還山中別業嘗曰衡門之下可以棲遲有薄田園兒稼女織偃仰今古自足此生誰能作小吏走風塵下乎高適賦還山吟贈行曰還山吟天高日暮寒山深送君還山識君心人生老大須恣意看君解作一生事山間偃仰無不至石泉淙淙若風雨桂花松子常滿地賣藥囊中應有錢還山服藥又長年白雲勸盡杯中物明月相隨何處眠々時憶同醒時意夢魂可以相周旋蕭宗議備禮徵會卒而罷有集傳世

孟雲卿

雲卿關西人天寶間不第氣頗難平志亦高尚懷嘉邈之節與薛據相交善嘗流寓荊州杜工部多有與雲卿贈答之作甚愛重之工詩其體祖述沉千運漁獵陳拾遺詞氣傷怨雖然模效纔得外堂猶未入室當時古調無出其右一時之英也如虎豹不相食衰哉人食人又朝亦常苦饑暮亦嘗苦饑飄々萬里餘貧賤多是非少年莫遠遊遠遊多不歸皆為當代推服韋應物過廣陵遇孟九贈詩云高文激頽波四海靡不傳西施且一笑衆女安得妍其才名於此可見矣仕終校書郎集今傳○雲卿稟通濟之才淪吞噉



嚴維 于良史 靈徹 陸羽

顧况 張南史 戎昱 包子虛

古之奇 蘇渙 宋湾 張志和

景雲 許白 許白 許白 許白 許白 許白 許白 許白 許白

示器 明士示 靈一 文益 許白 許白 許白 許白 許白 許白

騎劫 楊良 趙良 趙良 趙良 趙良 趙良 趙良 趙良 趙良

白奇 裴鳳 李真琳 賈至 賈至 賈至 賈至 賈至 賈至

王公與 賈味章 白奇 白奇 白奇 白奇 白奇 白奇 白奇 白奇

唐才子傳卷第三

唐才子傳卷第三

西域 辛 文房 撰

岑參

參南陽人文本之後天寶三年趙岳榜第二人及第

累官左補闕起居郎出為嘉州刺史杜鴻漸表置安

西幕府拜職方郎中兼侍御史辭罷別業在杜陵山

中後終于蜀參累佐戎幕往來鞍馬烽塵間十餘載

極征行離別之情城障塞堡無不經行博覽史籍尤

工綴文屬詞清尚用心良苦詩調尤高唐興罕見此

作放情山水故常懷逸念奇造幽致所得往々超拔



孤秀度越常情與高適風骨頗同讀之令人慷慨懷  
感每篇絕筆人輒傳味至德中裴休杜甫等常薦其  
識度清遠議論雅正佳名早立時輩所仰可以倞獻  
替之官未及大用而謝世豈不傷哉有集十卷行于  
世杜確為之序云

### 王之奩

之奩薊門人少有俠氣所從游皆五陵少年擊劍悲  
歌從禽縱酒中折節工文十年名譽日振耻困場屋  
遂交諸名公為詩情致雅暢得齊梁之風每有作樂  
工輒取以被聲律與王昌齡高適暢當忘形尔汝

共詣旗亭有梨園名部繼至昌齡等曰我輩擅詩格  
未定甲乙可觀諸伶謳詩以多者為優一伶唱昌齡  
二絕句一唱適一絕句之奩曰樂人所唱皆下俚之  
詞須臾一佳妓唱曰黃沙遠上白雲間一片孤城萬  
仞山差笛何須怨楊柳春風不度玉門關後唱二絕  
皆之奩詞三子大笑曰田舍奴吾豈妄哉諸伶竟不  
諭其故拜曰肉眼不識神仙三子從之酣醉終日其  
狂放如此云有詩傳于今

### 賀知章

知章字季真會稽人少以文詞知名性曠夷善談論

笑謔證聖初擢進士超拔群類科陸象先在中書引  
為太常博士象先與知章最親善常曰季真清談風  
韻吾一日不見則鄙吝生矣當時賢達皆傾慕之為  
太子賓客開元十三年遷禮部侍郎兼集賢院學士  
晚年尤加縱誕無復禮度自號四明狂客又稱秘書  
外監遨遊里巷又善草隸每醉輒屬辭筆不停綴咸  
有可觀每紙不過數十字好事者共傳寶之天寶三  
年因病夢遊帝居及寤表請為道士求還鄉里即舍  
住宅為千秋觀上許之詔賜鏡湖剡溪一曲以給漁  
樵帝賦詩及太子百官祖餞壽八十六集今傳

包何

何字幼嗣潤州延陵人包融之子也與弟佶俱以詩  
鳴時稱二包天寶七年揚譽榜及第曾師事孟浩然  
授格法與李嘉祐相友善大曆中仕終起居舍人詩  
傳者可數蓋流離世故卒多素辭大播芳名亦當時  
望族也

包佶

佶字幼正天寶六年揚護榜進士累遷秘書監劉晏  
治財奏為汴東兩稅使及晏罷以佶為諸道鹽鐵等  
使未幾遷刑部侍郎太常少卿拜諫議大夫御史中

兼居官謹確所在有聲信天才瞻逸氣宇清深心醉  
古經補和太雅詩家老斲也與劉長卿竇叔向諸公  
皆莫逆之愛晚歲沾風痺之疾辭龍樂高不及榮利  
卒封丹陽郡公有詩集行於世

### 張麗

麗穎上人初赴舉無所遇適遭喪亂奉老母避地隱  
居嵩山供養至謹與孟雲卿為中表俱工古調詩雲  
卿有贈云善道居貧賤素服蒙塵埃行々無定心坎  
塹難歸來性高簡善草書志在輕舉詠神仙云五穀  
非長年四氣乃靈藥列子何必待吾心滿寥廓時

杜甫往還嘗寄張十二山人詩云靜者心多妙先生  
藝絕倫草書何太古詩興不無神曹植休前輩張老  
更後身數篇吟可老一字買堪貧觀工部之作可知  
其人矣

### 李嘉祐

嘉祐字從一趙州人天寶七年楊譽榜進士為秘書  
正字以罪謫南荒未幾何有詔量移為鄱陽宰又  
為江陰令後遷台表二州刺史善為詩綺麗婉靡與  
錢卽別為一體往往涉於齊梁時風人擬為吳均何  
遜之敵自振藻天朝大收芳譽中興風流也有集今

傳

賈至

至字幼幾洛陽人曾之子也。曾開元間與蘇晉同掌制誥。至天寶十年明經擢第累官起居舍人知制誥。從幸西川當撰傳位肅宗冊文既進。肅宗曰先天誥命乃父所為今茲大冊尔又為之。兩朝盛典出卿家父子可謂繼美矣。大曆初遷京兆尹以散騎常侍卒。初嘗以事謫守巴陵與李白相遇日酣至酒追憶京華舊遊多見醉唱白贈詩有云聖主恩深漢文帝憐君不遣到長沙。至特工詩俊逸之氣不減鮑昭庾

信調亦清暢且多素辭。孟厥於漂流淪落者也有集三十餘卷今傳。

鮑防

防字子慎天寶十二年楊儼榜進士襄陽人也善辭章篤志於學累官至太原尹河東節度使人樂其治不減龔黃。詔圖形別殿又歷福建江西觀察使。丁亂從幸奉天除禮部侍郎封東海公。又遷御史大夫貞元元年策賢良方正得穆質柳公綽等皆位至三公。世表其知人。時比歲旱籩對漢故事免三公。京師權近獨孤恤欲下按治防曰使上聞所未聞不亦善

乎置質高第帝見策嘉之授工部尚書卒防工於  
詩與思優足風調嚴整凡有感發以譏切世弊正國  
音之宗流也與謝良為詩友時亦稱鮑謝云有集今  
傳

### 殷遙

遙丹陽人天寶間常仕為忠王府舍曹參軍與王維  
結交同慕禪寂志趣高踈多雲岫之想而苦家貧死  
不能葬一女纔十歲日哀號於親愛憐之者贈埋  
骨石樓山中工詩詞彩不群而多警句杜甫嘗稱許  
之有詩傳于今

### 張繼

繼字懿孫襄州人天寶十二年禮部侍郎楊浚下及  
第與皇甫冉有鬢年之故契逾崑玉早振詞名初來  
長安頗矜氣節有感懷詩云調與時人背心將靜者  
論終年帝城裏不識五侯門掌佐鎮戎軍幕府又為  
鹽鐵判官大曆間入內侍仕終檢校祠部郎中繼博  
覽有識好談論知治體亦掌領郡縣有政聲詩情爽  
激多金玉音蓋其累代詞伯積襲弓裘其於為文不  
雕自飾丰姿清迥有道者風集一卷今傳

### 元結

元結自人曾山吟示紫芝效康世少不羈

恩力困反患  
憂也一曰擾  
也又辱也

結字次山武昌人曾山令元紫芝族弟也少不羈弱  
冠始折節讀書天寶十三年進士禮部侍郎楊浚見  
其文曰一第恩子耳遂擢高品後舉制科會天下亂  
沈淳人間蘇源明薦於肅宗授右金吾兵曹累遷御  
史參山南來瑱府除容管經畧使始隱於商山中稱  
元子逃難入琦玕洞稱琦玕子或稱浪士漁者或稱  
聲與酒徒漫叟及為官呼漫郎皆以命所著性梗僻  
深憎薄俗有憂道閔世之心中興頌一文燦爛金石  
清奪湘流作詩著辭尚聳牙天下皆知敬仰復嗜酒  
有句云有時逢惡客自註非酒徒即惡客也有文編

十卷及所集當時人詩為篋中集一卷並傳

### 即士元

士元字君胃中山人也天寶十五載廬東榜進士寶  
應初選京畿縣官詔試政事中書補渭南尉歷左拾  
遺出為郢州刺史與貞外郎錢起齊名時朝廷自蒸  
相以下出牧奉使無兩君詩文祖餞人以為愧其珍  
重如此二公體調大抵欲同就中郎君稍更閑雅逼  
近康樂珠聯玉映不覺成編掩映時流名不虛矣有  
別業在平日吳村王季友錢起等皆見題詠每誇勝  
絕詩集今傳于世

道人靈一

丁公剡中人童子出家錚錚之外餘無有天性超類  
追蹤謝客隱麻源第二谷中結茹讀書後白業精進  
居若耶溪雲門寺從學者四方而至矣尤工詩氣質  
淳和格律清暢兩浙名山暨衡廬諸甲剡悉所經行  
與皇甫昆李巖少府朱山人徹上人等為詩友酬贈  
甚多刻意聲調苦心不倦騁譽叢林後順寂於岑山  
集今傳世

論曰自齊梁以來方外工文者如支道道惠休寶  
月之傳馳驟文苑沉淫藻思奇章偉什綺錯星陳不

為寡矣厥後喪亂兵革相尋緇素亦已狼藉罕有彼  
入其流者至唐累朝雅道大振古風無作卒皆崇衷  
像教駐念津梁龍象相望金碧交映雖寂寥之山河  
實威儀之淵藪寵光優渥無逾此時故有顛顛文場  
之人憔悴江海之客徃々裂冠裳撥繒繳香然高邁  
雲集蕭齋一食自甘方袍便足靈臺澄皎無事相干  
三餘有簡牘之期六時分吟調之隙青峯瞰門綠水  
周舍長廊步屣幽徑尋真景變序遷蕩入冥思凡此  
數者皆達人雅士夙所欽懷雖則心俾跡殊所趣無  
間會誓傳孫許之玄談廬阜接謝陶於白社宜其日

鍛月鍊志彌厲而道彌精佳句縱橫不廢禪定嚴尤  
相邇更唱迭酬苦於三峽猿清同九皋鶴不其偉歟  
與夫迷津畏途埋玉世慮蓄憤於心發在篇詠者未  
可同年而論矣然道或淺深價有輕重未能悉採其  
喬松於灌莽野鶴於雞群者有靈一靈徹皎然清塞  
無可虛中齊已實休八人皆東南產秀共出一時已  
為錄寶其或雖以多而寡稱或著少而增價者如惟  
審護國文益可止清江法照廣宣無本修睦無悶木  
易景雲法振栖白隱巒處默鄉雲棲一淡交良又若  
虛雲表曇域子蘭僧鸞懷楚惠標可朋懷浦慕幽

生亞齊尚顏栖蟾理瑩歸仁玄寶惠偶法宣文秀僧  
泚清尚智暹滄浩不特等四十五人名既隱僻事且  
微真今不復喋々云尔

### 皇甫冉

冉字茂政安定人避地來寓丹陽耕山釣湖放適閑  
淡或云秘書少監彬之姪也十歲能屬文張九齡一  
見歎以清才天寶十五年盧東榜進士調無錫尉營  
別墅陽羨山中太曆初王縉為河南節度辟掌書記  
後入為左金吾衛兵曹參軍仕終拾遺左補闕公自  
擢桂禮闈使稱高格往以世道艱虞遂心江外故多



飄薄之歎每文章一到朝廷而作者變色當年才子  
悉願締交推為宗伯至其造語玄微端可平揖沈謝  
雄視潘張惜乎長轡未聘芳蘭早凋良可痛哉有詩  
集三卷獨孤及為序今傳

### 皇甫曾

曾字孝常丹之弟也天寶十七年楊儼榜進士善詩  
出王維之門與兄名望相亞當時以此張氏景陽孟  
陽協居上品載處下流侍御補闕文詞亦然體製清  
緊華不勝文為士林所尚仕歷侍御史後坐事貶歸  
州司馬量移陽翟令有詩一卷傳于世

### 獨孤及

及字至之河南人少角時誦孝經父試之曰尔志何  
語曰立身行道揚名於後世天寶末以道舉高第代  
宋召為左拾遺遷禮部員外郎歷濠館南三州刺史  
及性孝友喜鑑按為文必彰明善惡長於議論工詩  
格調高古風塵迥絕得大名當時有集傳世○嘗讀  
選中沈謝諸公詩有題新知江水至清淺深見危巖  
京邑游好及石門新堂所住四南高山四溪石巖  
書南樓中晚登三山還望京邑等數端皆音韻精當  
望所遷客冠絕古今無曾發其韞與者逮盛唐沈宋獨孤及李

嘉祐韋應物等諸才子集中律各各有數題片言不  
苟皆不減其風度此則無傳之妙逮元和以下佳題  
尚罕况於詩乎立題乃詩家切要貴在卓絕清新言  
簡而意足句之所到題必盡之中無失節外無餘語  
此可與智者商推云因舉而論之

### 劉方平

方平河南人自哲美姿儀二十工詞賦與元魯山交  
善隱居潁陽大谷尚高不仕皇甫冉李頎等相與贈  
答有云籬邊潁陽道竹外少嫵峯神意淡泊善畫山  
水墨妙無前沂國公李勉延致齋中甚敬愛之

千朝不忍屈辭還舊隱工詩多悠遠之思陶寫性靈  
默會風雅故能脫畧世故超然物外區々斗室何足  
以繫劉先生哉有集今傳

### 秦系

系字公緒會稽人天寶末避亂剡溪自稱東海釣客  
北都留守薛兼訓奏為倉曹參軍不就客剡南安  
九日山中有大松百餘章俗傳東晉時所植系結廬  
其上穴石為研註老子彌年不出時兼公輔以直言  
罷為泉州別駕見系輒窮自不能去築室與相近遂  
忘流落之苦公輔卒妻子在遠系為營葬山下每好

義如此張建封聞系不可致請就加校書郎與劉長卿章應物善多以詩相贈答權德輿曰長卿自以為五言長城系用備節政之雖老益壯年八十餘南中人思之號其山為高士峯今有麗句亭在焉集一卷今傳

### 張衆甫

衆甫京口人隱居不務進取與皇甫御史友善精廬接近後各遊四方曾寄處士詩云伏臘同雞黍柴門閉雪天時宦亦有微辟者守死善道卒不就衆甫詩婉媚綺錯巧用文字工於興喻文流中佳士也

漢楊僕傳懷銀黃垂三組  
注銀銀印也  
金印也

在一時者有趙微明于嶽蕪渙元季川俱山顛水涯苦學貞士名同蘭茝之芳志非銀黃之術吟詠性靈陶陳東素皆有佳篇不能湮落惜其行藏之大槩不見於記錄故錄其考詳焉

### 嚴維

維字正文越州人初隱居相廬慕子陵之高風至德二年江淮選補使侍郎崔渙下以詞藻宏麗進士及第以家貧親老不能遠離授諸暨尉時已四十餘後歷秘書郎嚴中兼節度河南辟佐幕府遷餘姚令仕終右補闕維少無宦情懷家山之樂以業素從外斗

之祿聊代耕耳詩情雅重挹魏晉之風鍛鍊鏗鏘  
少遺恨一時名輩孰匪金蘭詩集一卷今傳

### 于良史

良史至德中仕為侍御史詩體清雅工於形似又多  
警句蓋其瑰璋特達早步清朝興致不群詞苑增價  
雖平生似昧而篇什多傳

### 靈徹上人

靈徹姓湯氏字澄源會稽人自童子辭父兄入淨戒  
行果潔方便讀書便覺勤苦授詩法於嚴維遂籍々  
有聲及維卒乃抵吳與皎然居何山遊講因以書

薦于包侍即佶佶得之大喜又以書致于李侍郎紆  
時二公以文章風韻為世宗貞元中西遊京師各振  
輦下細流疾之遂造飛語激動中貴因誣奏得罪徙  
汀洲會赦歸東越時吳楚間諸侯各賓禮招延之元  
和十一年終於宜洲開元寺年七十有一門人遷歸  
建塔於山陰天柱峯下上人詩多警句能俗眾體如  
芙蓉寺云經來白馬寺僧到赤鳥年謫汀洲云青蠅  
為予客黃耳寄家書性巧逸居沃洲寺嘗取桐葉剪  
刻製器為蓮花漏置盆水之上穿細孔漏水半之則  
沈每晝夜十二沈為行道之節初居高陽蘭若後來

述異記陸機犬  
黃耳寄家書

住匡廬東林寺如天目四明棲霞及衡湘諸名山行  
錫幾遍嘗與靈一上人約老天台未得遂志雖結念  
雲壑而才名拘牽罄息經微吟諷無巨所謂按乎其  
業遊方之外者也有集十卷及錄大曆至元和中名  
人酬唱集十卷今傳

### 陸羽

羽字鴻漸不知所生初竟陵禪師智積得嬰兒於水  
濱育為弟子及長耻從削髮以易自筮得蹇之漸曰  
鴻漸干陸其羽可用為儀始為姓名有學愧一事不  
盡其妙性恢諧少年匿優人中撰談笑萬言天寶間

署羽伶師後遁去古人謂察其行而穢其跡者也上  
元初結廬苕溪上閉門讀書名僧高士談讌終日貌  
寢口乞而辯人善若在己與人期雖阻虎狼不避也  
自稱桑苎翁又號東園子工古調歌詩興極閑雅著  
書甚多扁舟往山寺唯紗巾藤鞋短褐犢鼻擊林木  
弄流水或行曠野中誦古詩裴回至月墨興盡慟哭  
而返當時以比接輿也與皎然上人為忘言之交有  
詔拜太子文學羽嗜茶造妙理著茶經三卷言茶之  
原之法之具時號茶仙天下益知飲茶矣鬻茶家以  
瓷陶羽形祀為神賈十茶器得一鴻漸初御史大夫

李季卿宜尉江南喜茶知羽召之羽野服絜具而入  
李曰陸君善茶天下所知楊子中冷水又殊絕今二  
妙千載一遇山人不可輕失也茶畢命奴子與錢羽  
愧之更著毀茶論與皇甫補闕善時鮑尚書防在越  
羽往依焉并送以序曰君子究孔釋之名理窮歌詩  
之麗則遠野孤鳴通舟必行魚梁釣磯隨意而往夫  
越地稱山水之鄉轅門當節鉞之重鮑侯知子愛子  
者將解衣推食豈徒掌鏡水之魚宿耶溪之月而已  
集併茶經今傳

顧况

况字逋翁蘇州人至德二年天子幸蜀江東侍郎李  
希言下進士善為歌詩性恢譎不修檢操工畫山水  
初為韓晉江南判官德宗時柳渾輔政薦為秘書郎  
况素善於李泌遂師事之得其服氣之法能終日不  
食及泌相自謂當得達官久之遷著作郎及泌卒作  
海鷗詠嘲諷權貴大為所嫉被憲劾貶饒州司戶作  
詩曰萬里飛來為客鳥曾蒙丹鳳借枝柯一朝鳳去  
梧桐死滿目鷗鷺奈尔何遂全家去隱茅山鍊金丹  
斗身輕如羽况暮年丁子即亡追悼哀切吟曰老人  
喪愛子日暮泣成血老人年七十不作多時別其年

又生丁子名非熊三歲始言在真漠中聞父吟苦不  
忍乃來復生非熊後及第自長安歸慶已不知死所  
在或云得長生訣仙去矣今有集二十卷傳世皇甫  
湜為之序

### 張南史

南史字季直幽州人工奕棊神算無敵游心太極嘗  
幅巾藜杖出入王侯之宅十年高談濶視慷慨奇士  
也中自感激始苦節學文無希世苟合之意數年間  
稍入詩境調體超間情致兼美如并燕老將氣韻沉  
雄時少及之者肅宗時廟堂獎拔仕為左衛倉曹參

軍後避亂寓居揚州揚子平難再召未及赴而卒有  
詩一卷今傳

### 戎昱

昱荆南人美風度能談少舉進士不上乃放遊名都  
雖貧士而軒昂氣不消沮愛湖湘山水來客時李璣  
廉察桂林寓官舍月夜聞隣居行吟之音清麗遲明  
訪之乃昱也即延為幕賓待之甚厚崔中丞亦在湖  
南愛之有女國色欲以妻昱而不喜其姓戎能改則  
訂議昱聞之以詩謝云千金未必能移姓下諾從來  
許殺身自謂李大夫恩私至深無任感激初事顏平

昱音欲

原掌佐其征南幕亦累薦之衛伯玉鎮荆南辟為從事歷夏州刺史至德中以罪謫為辰州刺史後容劍南寄家隴西數載憲宗時邊烽累急大臣議和親上曰比聞一詩人姓名稍碎者為誰宰相對以冷朝陽包子屢皆非帝舉其詩對曰戎星也上曰豈記其誅史云漢家青史上拙計是和親社稷依明主安危託婦人豈能將玉貌便擬淨沙塵地下千年骨誰為輔佐臣因笑曰魏絳何其懦也此人如在可與武陵桃花源足稱其清詠士林榮之是詩在盛唐格氣稍劣中間有絕似晚作然風流綺麗不虧政化當時賞音

喧傳翰苑固不誣矣有集今傳

### 古之奇

之奇寶應二年禮部侍郎洪源下及第與耿漳同時嘗為河西幕府書記與李司馬端有金蘭之好工古調足幽閑淡泊之思婉而成章得名藝圃不泛然矣詩集傳於世

### 蘇渙

渙廣德二年楊栖梧榜進士本不羈者往來剽盜善用白弩巴賓商人苦之稱曰白跖後自知非折節從學遂成名累遷待御史湖南崔中羨瑾辟為從事瑾



遇言繼走交廣扇動哥舒是跋扈如蛟龍見血本質  
彭矣居無何伏誅初嘗為變律詩十九首上廣州節  
度李勉其文意長於諷刺亦有陳拾遺一鱗半甲故  
加待之或曰此子羽翼嬖臣侵敗王畧今尚其文可  
歟勉曰漢策載蒯通說辭皇史錄祖君檄草此大容  
細者善惡必書春秋至訓明言不廢孟子格談渙其  
庶乎豈但存雕蟲小技亦以深懲賊子也時以為名  
言杜甫有與贈答之詩今悉傳

朱湾

湾字臣川大曆時隱君也號滄洲子卒履負素清

不驩道送雲山琴酒之間放浪形骸繩檢之外郡國  
交徵不應工詩格體幽遠與用弘深寓意因詞窮理  
盡性尤精詠物必含比興多敏捷之奇及李勉鎮東  
平嘉其風操厚幣邀來署為府中從事日相談讌分  
逾骨肉父之嘗謁湖州崔使君不得志臨發以書別  
之曰湾聞蓬萊山藏杳冥間行可到貴人門無媒通  
不可到驪龍珠潛滉瀆之淵或可識貴人顏無因而  
前不可識自假道路問津主人一身孤雲兩度圓月  
載請執事三趨戟門信知庭之與堂不啻千里况寄  
食漂母夜眠魚舟門如龍而難登食如玉而難得食

如玉之粟登如龍之門實無機心翻成機事漢陰丈人聞之豈不大笑屬溪上風便囊中金貧望其棠而歎自引分而退濟白遂歸會稽山陰別墅其耿介類如此也有集四卷今傳

### 張志和

志和字子同婺州人初名龜齡詔改之十六擢明經掌以策干肅宗特見賞重命待詔翰林以親喪辭去不復仕居江湖性邁不束自稱烟波釣徒撰玄真子二卷又為號焉兄鶴齡恐其遁世為築室越州東郭茅茨數椽花竹掩映窠豹席櫻屨沿溪垂釣每不投

餌志不在魚也觀察使陳少游頻往候問帝嘗賜奴婢各一人志和配為夫婦號漁童樵青與陸羽嘗為顏平原食客平原初來刺湖州志和造謁顏請以舟敝欲為東之曰願為浮家泛宅往來苕霅間足矣善畫山水酒酣或擊鼓吹笛或筆輒就曲盡天真自撰漁歌便復畫之興趣高遠人不能及憲宗聞之詔寫真求訪并其歌詩不能致後傳一且忽乘雲鶴而去李德裕稱以為漁父賢而名隱鴻夷智而功高未若玄真隱而名彰方而無事不窮而達其巖光之比歟





夏侯審季端聯藻文林銀黃相望且同臭味契分俱  
深時號大曆十才子唐之文體至此一變矣綸所作  
特勝不減盛時如三河少年風流自賞文宗雅愛其  
詩問宰相綸沒後文章幾何亦有子否李德裕對綸  
四子皆擢進士仕在臺閣帝遣中使悉索其巾笥得  
詩五百首進之有別業在終南山中集十卷今傳

### 吉中孚

中孚楚州人居番陽最久初為道士山阿寂寥後還  
俗李端贈詩云舊山連藥賣孤鶴帶雲歸盧綸送詩  
云舊藁藏雲九新詩滿帝鄉來長安謁宰相有薦於

天子日與王侯高會動京師無幾何第進士授蘭  
年尉除校書郎又登宏辭科為翰林學士歷諫議大  
夫戶部侍郎判度支事貞元初卒初拜官後以親垂  
白在堂歸養至孝終喪復仕中孚神骨清虛吟詠高  
雅若神仙中人也集一卷今傳

### 韓翃

翃字君平南陽人天寶十三載楊絳榜進士侯希逸  
素重其才至是表佐淄青幕府罷閑居十年及李勉  
在宣武復辟之德宗時制誥闕人中書兩進除自御  
筆不点再請之批曰與韓翃時有同姓名者為江淮

刺史宰相請孰與上復批曰春城無處不飛華韓翃也俄以駕部郎中知制誥終中書舍人翃工詩興致繁富如芙蓉出水一篇一詠朝士珎之比諷深於文房筋節成於茂政當時盛稱焉有詩集五卷行於世

### 耿漳

漳河東人也寶應二年洪源榜進士與古之奇為莫逆之交初為夫理司法充括圖書使來江淮窮山水之勝仕終左拾遺詩才俊爽意思不群似漳等輩不可多得詩集二卷今傳

### 錢起

起字仲文吳興人天寶十年李巨卿榜及第少聰敏承鄉曲之譽初從計吏至京口客舍月夜聞步聞戶外有行吟聲哦曰曲終人不見江上數峯青凡再三往來起遽從之無所見矣嘗怪之及就試粉闈詩題乃湘靈鼓瑟起輟就即以鬼謠十字為落句主文李暉深嘉義擊節吟味久之曰是必有神助之耳遂擢置高第釋褐授校書郎嘗採箭竹奉使入蜀除考功郎中大曆中為太清宮使翰林學士起詩體制新奇理致清瞻宋齊之浮游削梁陳之嫚靡迥然獨立也王右丞許以高格與郎士元齊名士林語曰前有

沈宋後有錢卽集十卷今傳子微能詩外甥懷素善書一門之中藝名森出可尚矣。凡唐人燕集祖送必探題分韻賦詩於衆中推一人擅場者劉相巡察江淮詩人滿座而起擅場郭曖尚主盛會李端擅場緬懷盛時往々文會群賢畢集觥籌亂飛遇江山之佳麗繼歡好於疇昔良辰養景賞心樂事於此能并矣况賓無絕纓之嫌主無投轄之困歌闌舞作微聞香澤冗長之禮豁畧去之王公不覺其大韋布不覺其小志形尔汝促席談諧吟咏繼來揮毫驚座樂哉古人有秉燭夜遊所謂非淺同宴一室無及於離豈不盛也至若殘盃冷炙七款百拜察喜怒於眉睫之間者可以休矣

### 司空曙

曙字文明廣平人也磊落有奇才韋舉節度劍南辟致幕府授洛陽主簿未幾遷長林縣丞累官左拾遺終水部郎中與李約負外至交性耿介不干權要家無甌石異如也嘗病中不給遺其愛姬亦自流寓長沙遷謫江右多結契雙林暗傷流景寄曠上人詩云欲就東林寄一身尚憐兒女未成人柴門客去殘陽在藥園蟲喧秋雨頻近水方同梅市隱曝衣多笑阮

家貧深山蘭若何時到羨與閑雲作四隣閑園即事  
高興可知屬調幽閑終篇調暢如新華笑日不容熏  
染鏘々美譽不亦宜哉有詩集二卷今傳

苗發

發潞州人也晉鄉長子初為樂平令授兵部員外遷  
駕部員外郎仕終都官郎中雖名齒才子少見詩篇  
當時名士咸與贈答云

崔峒

峒博陵人工文有價初辟潞府功曹後歷左拾遺終  
右補闕詞彩炳然意趣方雅時人稱其句為披沙

金性々見寶詩集一卷全行於世

夏侯審

審建中元年禮部侍郎今嶺下試軍謀越衆科第  
一釋褐校書郎又為參軍仕終侍御史初於花山下  
多買田園為別墅水木幽閑雲烟浩渺晚歲退居其  
下諷吟頗多今稍零落時見一二皆錦制也

李端

端趙州人嘉祐之姪也少時居廬山依皎然讀書意  
况清虛酷慕禪侶大曆五年李搏榜進士及第授秘  
書省校書郎以清羸多病辭官居終南山草堂寺殊



幾起為杭州司馬，謫敲朴心甚厭之，買田園在廬  
 丘下，為耽深癖，泉石少幽，移家來隱，衡山自號衡嶽  
 幽人，彈琴讀易，登高望遠，神意泊然，初無宦情，懷箕  
 穎之志，嘗曰：余少尚神仙，且未能去，友人勸當以禪  
 門見道，余心知必是，未得其門，詩更高雅於才子，中  
 名響錚々，與處士京兆柳中庸、大理評事江東張芬  
 友善，唱酬初來長安，詩名大振，時令公子郭曖尚果  
 平公主賢明有才，延納俊士，端等皆在館中，暖嘗進  
 管大宴酒，酣主屬端賦詩，頃刻而就，曰：青春都尉最  
 風流，二十功成便拜侯，金距鬪雞過上苑，玉鞭騎馬

出長楸，熏香荀令，偏憐小傅粉，何郎不解愁，日暮吹  
 簫楊柳陌，路人遙指鳳凰樓，主甚喜，一座賞歎，錢起  
 曰：此必端宿製，請以起姓為韻，端立獻一章，曰：方塘  
 似鏡草芊芊，初月如鈎未上弦，新開金埒看調馬，舊  
 賜銅山許鑄錢，楊柳入樓吹玉笛，芙蓉出水妬花鈿，  
 今朝都尉如相顧，願脫長裾逐少年，作者驚伏，主厚  
 賜金帛，終身以榮其工，捷類此集三卷，今傳於世。

竇叔向

叔向字遺直，扶風平陵人也，有卓絕之行，登第於大  
 曆初，遠振佳名，為文物冠冕，詩法謹嚴，又非常格，下

流才子多仰。麈尾少與常。衣同燈火及。來相引擢。在  
拾遺內供奉。及坐貶亦出。為溧水令。卒贈工部尚書。  
五子常年。群庠輩俱能。詩咄々有。跨竈之興。當時羨  
乏。文志載。叔向集七卷。今存詩甚寡。蓋零落之矣。

康洽

洽。酒泉人。黃鬚。美丈夫也。盛時携琴劍來長安。謁當  
道。氣度豪爽。工樂府詩篇。宮女梨園皆寫於聲律。本  
宗亦知名。嘗歎羨之所出入。皆王侯貴主之宅。從遊  
與譙。雖駿馬蒼頭如其已。有觀服玩之光。令人歸欲  
燒物。憐才乃能如是也。後遭天寶亂。離飄蓬江表。至

大曆間年已七十餘。龍鍾衰老。談及開元繁盛。流涕  
無從。往來兩京。故侯館。穀空咸陽。一布衣耳。于時文  
士願與論交。李端逢之。贈詩云。聲名常歷飽參軍。班  
位不過揚執戟。又云。同時獻賦人皆盡。共壁題詩君  
獨在。後卒杜陵山中。文章不得見矣。

李益

益字君虞。隴西姑臧人。大曆四年。齊映榜進士。調鄭  
縣尉。同輩行稍進。達益久不陞。鬱々去遊燕趙間。幽  
州節度劉濟辟為從事。未幾又佐鄆寧幕府。風流有  
辭藻。與宗人賀相埒。每一篇就。樂士賂求之。被於雅

樂供奉天子如征人早行篇天下皆施繪畫二十  
受策秋從軍十年運籌決勝尤其所長往往鞍馬間  
為文橫槊賦詩故多抑揚激礪悲離之作高適岑參  
之流也憲宗雅聞其名召為秘書少監集賢殿學士  
自負其才凌轢士衆有不能堪諫官因暴其詩不上  
望京樓等句以涉怨望詔降職俄復舊除待御史遷  
禮部尚書致仕太和初空益少有僻疾多猜忌防閑  
妻妾過為苛酷有散灰扃戶之談時稱為妬癡尚書  
李十即有同姓名者為太子庶子皆在朝人恐莫辨  
謂君真為文章李益庶子為門戶李益云集有今傳

冷朝陽

朝陽金陵人太曆四年齊映榜進士及第不待調官  
言歸省親自狀元以下一時名士夫及詩人李嘉祐  
李端韓翃錢起等大會賦詩攀餞以一布衣才名如  
此人皆羨之朝陽工詩在大曆諸才子法度稍弱字  
韵清越不減也有集傳世

章八元

八元睦州桐廬人少喜為詩嘗於郵亭偶題數語蓋  
激楚之音也宗匠嚴維到驛見而異之問八元曰尔  
能從我授格乎曰素所願也少頃遂發八元已辭親

矣維大器之親為指諭數歲間詩賦精絕大曆六年  
王淑榜第二人進士居京既久床頭金盡歸江南訪  
韋蘇州待贈甚厚復來都應制科貞元中調句容主  
簿况薄辭歸時有清江上人善詩與八元為兄弟之  
好初長安慈恩寺浮圖前後名流詩版甚多八元亦  
題有云却怪鳥飛平地上自驚人語半夫中後元微  
之白樂夫至塔下遍覽因悉除去惟存八元版在吟  
詠久之曰名下無虛士也其驚策稱是有詩集傳于

世一卷

暢當

當河東人天曆七年張武榜及第當少諳武事生亂  
離間盤馬彎弓博沙蓋陳人曾伏之時山東有寇以  
子弟被召參軍貞元初為太常博士仕終果州刺史  
與李司空即中有膠漆之契多往來嵩華間結  
念方外頗參禪道故多松桂之興深存不死之志詞  
名藉甚表々凌雲有詩二卷傳於世同時有鄭常亦  
鳴詩集一卷今行○嘗觀建安初陳琳阮瑀數子從  
戎管書記之任所得經奇英氣逼人承平則文墨  
議論警急則憂難矢石金羈角逐珠符相照草檄於  
盾鼻勒銘於山頭此磊々落落通方之士皆古書生

也容有鬱志窓下抱膝呻吟而曰時不我與入不我知邪大道無空徒自為老夫且唐間如此特達甚多光烈垂遠慨然不能不以之興懷也

### 王季友

季友河南人暗誦書萬卷論必引經家貧賣屐好事者多携酒就之其妻柳氏疾季友窮醜遣去來客斷城滿州刺史李公一見傾敬即引佐幕府工詩性石石浪不羈愛奇務險遠出常性之外白首短褐崎嶇士林傷哉貧也嘗有詩云山中誰余密白髮日相親雀鼠晝夜無知我厨廩貧又自耕自刈食為天如鹿如

麋飲野泉亦知世上公卿貴且養山中草木牛觀其

焉志山水可謂遠性風疎逸情雲上矣有集傳於世

### 張謂

謂字正吉河內人也少讀書嵩山清才拔萃沈覽流觀不屈於權勢自矜奇骨必談笑封侯二十四受辟從戎營朔十載亭障間稍立功勳以將軍得罪流滯薊門有以非辜雪之者累官為禮部侍郎無幾何出為潭州刺史性嗜酒商淡樂意湖山工詩格度嚴密語致精深多擊節之音今有集傳于世

### 于鵠

于鵠

鶴初買山於漢陽高隱三十猶未成名大曆中嘗應  
薦歷諸府從事出塞入塞馳逐風沙有詩甚工長短  
間作時出度外縱橫放逸而不陷於踈遠且多警策  
云集一卷今傳

王建

建字仲初潁川人大曆十年丁澤榜第二人及第釋  
褐授渭南尉調昭應縣丞諸司歷薦遷太府寺丞秘  
書丞侍御史太和中出為陝州司馬從軍塞上弓劍  
不離身數年後歸上居咸陽原上初遊禪東部門墻  
為忘年之交與張籍契厚唱答尤多工為樂府歌行

格幽思遠二公之體同變時流建性耽酒放浪無拘  
官詞特妙前古建初與樞密使王守澄有宗人之分  
守澄以弟呼之談間故多知禁掖事作官詞百篇後  
因過燕飲以相譏謔守澄深銜之忽曰吾弟所作官  
詞內庭深遠何由知之明當奏上建作詩以謝未句  
云不是姓同親說向九重爭得外人知守澄恐累已  
事遂寢建才膽有作皆工蓋嘗跋涉畏途其分窮苦  
其自傷詩云衰門海內幾多人滿眼公卿總不親四  
授官資元七品再經婚娶尚單身圖書亦為頻移盡  
兄弟還因數散貧獨自在家常似客黃昏尖向野田

春又於征戍遷謫行旅離別幽居官况之作俱能感  
動神思道人所不能道也集十卷今傳於世

### 韋應物

應物京兆人也尚俠初以三衛郎事玄宗及崩始悔  
折節讀書為性高潔鮮食寡欲所居必焚香掃地而  
坐真心象外天寶時扈從遊幸求泰中任洛陽丞遷  
京兆府功曹大曆十四年自鄆縣令制除櫟陽令以  
疾辭歸寓善福寺精舍建中二年由前資除比部員  
外郎出為滁州刺史居頃之改江州刺史追赴闕改  
左司郎中或相其進媒孽之負元初又出為蘇州刺史

史志中以太僕少卿兼御史中丞為諸道鹽鐵轉  
運江淮留後罷居永定齋心屏除人事初公豪縱不  
羈晚歲逢楊開府贈詩事曰少事武皇帝無賴恃  
恩私身依里中橫家藏亡命兒朝持檣蒲局暮竊東  
隣姬司隸不敢捕立白主墀驪山風雪夜長楊羽  
獵時一字都不識飲酒肆頑癡武皇外仙去憔悴被  
人欺讀書事已晚把筆學題詩兩府始收跡南宮謬  
見推非才果不容出守撫輝繁忽逢楊開府論舊滌  
俱垂坐客何由識雅有故人知足見古人真率之妙  
也。論云詩律自沈宋之下日益靡曼鏤章刻石掃

合浮切音韵婉諧屬對藻密而閑雅平淡之氣不存  
矣獨應物馳驟建安以還各有風韻自成一家之體  
清深雅麗雖詩人之盛亦罕其倫甚為時論所右而  
風情不能自已如贈米嘉榮杜韋娘等作皆杯酒之  
間見少年故態無足怪矣有集十卷今傳於世

### 皎然上人

皎然字清晝吳興人俗姓謝宋靈運之十世孫也初  
入道肄業杼山與靈徹陸羽同居妙喜寺羽於寺傍  
創亭以癸丑歲癸卯朔癸亥日落成湖州刺史顏真  
卿名以三癸皎然賦詩時稱三絕真卿嘗於郡齋集

文士撰韵海敬源預其論著至是聲價藉甚自元中  
集賢館書院取高僧集上人文十卷藏之刺史于頔  
為之序李端在匡嶽依止稱門生一時名公俱相友  
善題云畫上人是也時韋應物以古淡矯俗公嘗擬  
其格得數解為贗韋心疑之明白又錄舊製以見始  
被頌畧曰人各有長蓋自天分子而為我失故步矣  
但以所諧自名可也公心服之徃寺住西林寺定餘  
多暇因撰序作詩體式兼評古今人詩為畫公詩式  
五卷及撰詩評三卷皆議論精當取舍從公整頓狂  
瀾出也騷雅公性放逸不縛於常律初房太尉瑄早



歲隱終南峻壁之下，往々聞湫中龍吟，聲清而靜，滌人邪想。時有僧潛，屢三金以寫之，惟銅酷似房公。往來他日至山寺，聞林嶺間有聲，因命僧出其器，歎曰：此真龍吟也。大曆間有秦僧傳至桐江，皎然屢銅椀，効之以警深寂。緇人有獻譏者，公曰：此達僧之事，可以嬉禪，爾曹胡凝滯於物，而以瑣行自拘耶？時人高之。公外學超然，詩興閑適，居第一流，第二流不過也。詩集十卷。

武元衡

字伯蒼，河南人。建中四年薛展榜進士。元和二十

年早朝，遇盜從暗中射殺之。元衡工詩，雖時見雕鐫，不動機構，要非高齷之所深忌。每好事者傳之，被於絲竹，掌夏夜作詩曰：夜久喧漸息，池臺唯月明。無因駐清景，日出事還生。翌日遇害，詩蓋其識也。議者謂工詩而宦達者，惟高通、達宦而詩工者，唯元衡。今有臨淮集十卷傳於世。

竇常

常字中行，叔向之子也。京兆人。大曆十四年王儲榜及第，初歷從事累官水部員外郎。連除閩、夔、江、撫四

刪刺史後入為國子祭酒而終。○常兄弟五人聯芳  
比漢詞價。霑然法度風流相距不遠。且俱陳力王事。  
唐寵清流。豈懷玉迷津區々之比哉。後人集所著詩  
通一百首為五卷。名寶氏聯珠集。謂若五星。然常集  
十八卷。及撰韓翃至皎然三十人詩。合三百五十篇。  
為南薰集。各系以贊為三卷。今並傳焉。

### 寶罕

罕字貽周。貞元二年。張正甫榜進士。初學問於江東  
家居孝。善事繼母。音文異行。聞于京師。舅給事中  
高崇時。專重名。甄拔甚多。而罕未嘗于。謂竟捷文。

擢為左六府五公。八遷至檢校員部。元和五年。拜尚  
書虜部郎中。轉洛陽令。都官郎中。出為澤州刺史。社  
終國子司業。罕晚從昭義盧從史。從史寢嬌。罕度不  
可諫。即移舟歸。居東都別業。長慶二年卒。自祭韓先  
生為之墓誌云。

### 寶群

群字丹列。初隱毗陵。稱處士。性至孝。定省無少怠。及  
母卒。哀踊不已。誓一指置棺中。結廬墓次。終喪。蘇州  
刺史韋夏卿薦之。舉孝廉。德宗擢為左拾遺。憲宗立。  
轉吏部郎中。出為唐州刺史。節度使于頔奇之。表以

自副武元衡輔政薦為御史中丞董引呂溫羊士諤  
為御史宰相李吉甫不可群等怨遂摺撫吉甫陰事  
告之帝面覆多誑大怒欲殺群等吉甫又為力救得  
辭出為黔南觀察使遷容管經畧使率官所家無餘  
財惟圖書萬軸耳

竇萍

萍字胃鄉嘗應辟三佐大府調奉先令遷東都留守  
判官拜戶部員外郎貞元中出為婺登二州刺史卒  
生一子文其苦著述亦多今並傳之

竇鞏

鞏字宏對狀貌瑰偉少博覽無不通性宏放好談古  
今所居多長者車轍時諸兄已達鞏尚來塲屋間頗  
抑初志作放魚詩云黃金贖得免刀痕聞道禽魚亦  
感恩好去長江千萬里不須辛苦上龍門人知其述  
懷也元和二年王源中榜進士佐淄青幕府累遷秘書  
書少監拜御史中丞在終武昌觀察副使鞏平居與  
人言不出口時號為聒嚙翁云

劉言史

言史趙州人也少尚氣節不舉進士工詩表麗恢贍  
世少其倫與李賀孟郊同時為友真鎮節度使王武

後頗好詞藝言史造之特加敬異武俊嘗獵有雙鴨  
起蒲稗間一矢聯之遂於馬上草射鴨歌以獻因表  
薦請官詔授東強令辭疾不就當時重之故相國龐  
西公李夷簡為漢南節度與言史少同遊習因遣以  
襄陽髹器千事賂武俊請之由是為漢南幕賓日與  
談讌諧詩唱答大播清才問言史所欲為曰司功掾  
甚閑或可兼閣遂署雖居官曹敬待將諸從事歲餘  
奏陞秩詔下之日不恙而終公初以言史相薄不欲  
貴以惜其壽至是慟哭之曰果然微祿殺吾愛客也  
厚於襄城皮日休稱其賦雕金篆玉牢奇籠怪百  
幾字千煉成句真佳作也有歌詩六卷今傳

### 劉商

商字子夏徐州彭城人擢進士第貞元中累官比部  
員外郎改虞部員外郎數年遷檢校兵部郎中後出  
為沛州觀察判官詩疾挂印歸舊業商性好酒苦家  
貧嘗對花臨月悠然獨酌尤音長謠放適自遂賦詩  
曰春草秋風老此身一瓢長醉任家貧醒來還愛浮  
萍草漂寄官河不屬人樂府歌詩高雅殊絕擬蔡琰  
胡笳曲鮪炙當時仍工畫山水樹石初師吳郡張璪  
後自造真張貶衡州司馬有惆悵之詩好神仙鍊金



蘇林	蘇林	蘇林	蘇林	蘇林	蘇林	蘇林	蘇林	蘇林	蘇林
蘇林	蘇林	蘇林	蘇林	蘇林	蘇林	蘇林	蘇林	蘇林	蘇林
蘇林	蘇林	蘇林	蘇林	蘇林	蘇林	蘇林	蘇林	蘇林	蘇林
蘇林	蘇林	蘇林	蘇林	蘇林	蘇林	蘇林	蘇林	蘇林	蘇林
蘇林	蘇林	蘇林	蘇林	蘇林	蘇林	蘇林	蘇林	蘇林	蘇林
蘇林	蘇林	蘇林	蘇林	蘇林	蘇林	蘇林	蘇林	蘇林	蘇林
蘇林	蘇林	蘇林	蘇林	蘇林	蘇林	蘇林	蘇林	蘇林	蘇林
蘇林	蘇林	蘇林	蘇林	蘇林	蘇林	蘇林	蘇林	蘇林	蘇林
蘇林	蘇林	蘇林	蘇林	蘇林	蘇林	蘇林	蘇林	蘇林	蘇林
蘇林	蘇林	蘇林	蘇林	蘇林	蘇林	蘇林	蘇林	蘇林	蘇林

唐才子傳卷第五

西域出辛世文房撰

盧仝

全酒陽人初隱少室山號玉川子家甚貧惟圖書雜  
 積後卜居洛城破屋數間而已一奴長鬚不墨頭一  
 婢赤脚老無齒終日苦哦隣僧送米朝廷知其清介  
 之節凡兩備禮徵為諫議大夫不起時韓愈為河南  
 令愛其操敬待之嘗為惡少所恐訴於愈方為申理  
 全後慮盜憎主人願罷之愈益服其度量元和間月  
 蝕全賦詩意切當時逆黨愈極稱工餘人稍恨之時

王涯妻政番怨於人及禍起全偶與諸客會食涯書  
 鶴中因留宿吏卒掩捕全曰我廬山人也於衆無怨  
 何罪之有吏曰既云山人來宰相宅容非罪浮蒼鹿  
 不能自理竟同其露之禍全老無髮奄人於腦後加  
 釘先是生子名漆下人以為識云全性高古介僻所  
 見不凡近唐詩體無遺而全之所作特異自成一家  
 語尚奇諳讀者難解識者易知後來倣效比擬遂為  
 一格宗師有集一卷今傳○古詩云枯魚過河泣何  
 時悔後及作書與魴鱖相戒慎出入斯所以防前之  
 覆轍也全志懷霜雪操擬松柏深造括囊之高夫何  
 哉

### 馬異

異睦州人也興元元年禮部侍郎鮑防下進士第二  
 人少與皇甫湜同硯席賦性高踈詞調怪澁雖風骨  
 稜々不免枯瘠盧仝聞之頗合已志願與結交遂立  
 同異之論以詩贈仝有云昨日全不同異自異是謂  
 大同而小異今日全自同異不異是謂同小徃而異  
 不至斯亦怪之甚也後不知所終集今傳世

### 劉叉

又

又河朔間人一節士也少尚義行俠傍觀切齒因被  
酒殺人亡命會赦乃出更改志從學能博覽工為詩  
詩酷好盧仝孟郊之體造語幽蹇議論多出於正冰  
柱雪車一篇含著風刺出二公之右矣時樊宗師文  
亦尚怪見而獨拜之恃故時所負自願俯仰不能與  
世合常破履穿結築環堵而居休焉聞韓吏部接天  
下貧士步而歸之出入門館無間時韓碑銘獨唱潤  
筆之貨盈室因持案上金數行而去曰此訕墓中人  
所得耳不若與劉君為壽不能止其曠達至此初王  
履道守正反關著述春秋之學尤所精心時人  
不得見其書惟又愜願曾授之以與自後無所傳亦  
剛直能面白人短長其服義則又稱縫若親屬然後  
以爭語不能下客去遊齊魯不知所終詩二十七篇  
今傳

李賀

賀字長吉鄭王之孫也七歲能辭章名動京邑韓愈  
皇甫湜覽其作音之而未信曰若是古人吾曾或不  
知是今人豈有不識之理遂相過其家使賦詩賀總  
角荷衣而出欣然奉命旁若無人援筆題曰高軒過  
二公大驚以所乘馬命駮鑿而還親為束髮賀父名



晉肅不得舉進士公為著辯諱一篇後官至太常寺  
奉禮部賀為人纖瘦通眉長指爪能疾書且日出騎  
弱馬從平頭小奴子背古錦囊遇有所得書置囊裏  
凡詩不先命題及暮歸太夫人使婢探囊中見書多  
即怒曰是兒要嘔出心乃已耳上燈與食即從婢取  
書研墨疊紙足成之非大醉不夜率如此賀詩稍尚  
奇詭組織花草片々成文所得皆驚邁絕去翰墨畦  
徑時無能効者樂府諸詩雲韶衆士諧於律呂掌歎  
曰我年二十不得意一生愁心謝如梧葉矣忽疾篤  
恍惚書見人緋衣駕赤蚪騰下持一板書若太古雷  
文曰上帝新作白玉樓成立召君作記也賀扣頭辭  
謂母老病其人曰天上比人間差樂不苦也居頃之  
牕中教々烟氣聞車聲甚速遂絕死時才二十七莫  
不憐之李藩綴集其歌詩因託賀表兄訪所遺失并  
加點竄付以成本彌年絕迹及詰之曰母恨其傲忽  
其文已焚之矣今存十之四五杜牧為序者五卷今  
傳○老子曰其進銳者其退速信然賀天才俊拔弱  
冠而有極名天奪之速豈快也耶若少假行年涵養  
盛德觀其才不在古人下矣今茲惜哉

李涉

李涉

涉洛陽以漸之仲克也自號清溪子早歲客梁園數  
逢亂兵避地南來樂佳山水上隱匡廬香爐峯下石  
洞間嘗養一白鹿其馴狎因名所居白鹿洞與兄勃  
崔膺昆季茅舍相接後徙居終南偶從陳詩辟命從  
事行軍未幾以罪謫夷陵宰十年踰證峽中病瘵成  
痼自傷羈逐頭顱又復加許後遇赦得還賦詩云荷  
蕞不是人間事歸去滄江有釣舟遂放船重來訪吳  
樹舊遊登天台石橋望海得風水之便掛席浮瀟湘  
岳陽逢張祐話故因盤桓歸洛下營草堂隱少室身  
自耕耘并能織紉稚子供漁樵拓落生計冷樽酒肉  
罕交人事大和中宰相累薦徵起為大學博士奉敕  
往妻亦入道涉二為詩詞意卓犖不群世俗長篇叙  
事如行雲流水無可牽制才名一時欽勳初嘗過九  
江皖口遇夜客方踰伏問何人曰李山人豪首曰若  
是勿用劇奪又聞詩名願題一篇足矣涉欣然書曰  
暮雨瀟瀟江上村綠林豪客夜知聞他時不用藏名  
姓世上如今半是君大喜因以牛酒厚遺再拜送之  
○夫以跼蹐之輩猶曰憐才而至賢橫道君子不願  
忍哉詩集一卷今傳

朱晝

十一子卷五

五

畫廣陵人貞元間慕五郊之名為詩格範相似曾不  
遠千里而訪之不厭勤苦體尚奇澁與李涉友善相  
酬唱畫古鏡詩云我有古時鏡初自壞陵得蛟龍猶  
泥蟠魘魅幸月蝕磨久見菱葉青於藍水色贈君將  
照心無使心受惑九如此警策稍多今傳于世

### 賈島

嶋字闍仙苑陽人也初連敗文場囊篋空甚遠為浮  
屠名無本來東都旋往京居龍興寺時禁僧午後不  
得出為詩自傷元和元白變尚輕淺嶋獨按格入  
僻以矯浮豔當冥搜之際前有王公貴人皆不覺其

心萬仞入無窮自稱碣石山人嘗歎曰知余素心  
者惟終南紫閣白閣諸峯隱者耳嵩山有草廬欲歸  
未得逗留長安雖行坐寢食苦吟不輟掌跨蹇驢張  
蓋橫截天衢時秋風正厲黃葉可掃遂吟日落葉滿  
長安方思屬聯香不可得忽以秋風吹渭水為對喜  
不自勝因唐突大京兆劉栖楚被繫一夕且釋之後  
復乘閑策蹇訪李餘幽居得句云鳥宿池中樹僧推  
月下門又欲作僧敲煉之未定吟我引手你推敲之  
勢傍觀亦訝時韓退之尹京兆車騎方出不覺衝至  
第三節左右擁到馬前嶋具實對未定推敲神遊象

外不知迴避韓駐久之曰敲字佳遂並轡歸其論詩道結為布衣交遂授以文法去浮屠舉進士愈贈詩云五郊死葬北邙山日月風雲頓覺閑天恐文章渾斷絕每生賈嶋在人間自此名者時勅及第寓居法乾無可精舍姚合王建張籍雍陶皆琴樽之好一日宜宗微行至寺聞鐘樓上有吟聲遂登於嶋案上取卷覽之嶋不識因作也攘臂睨而奪取之曰郎君鮮醴自足何會此耶帝下樓去既而覺之大恐伏闕待罪上訝之他日有中旨令與一清官謫去者乃授遂州長江主簿後稍遷普州司倉臨死之日家無一錢

惟病驢古琴而已當時誰不愛其才而惜其命濬貌清意雅談玄抱佛所交悉塵外之人况味蕭條生計岨嶮自題曰二句三年得一吟雙淚流知音如不賞歸卧故山秋每至除夕必取一歲所作置几上焚香再拜酌酒祝曰此吾終年苦心也痛飲長謠而罷今集十卷并詩格一卷傳于世

### 莊南傑

南傑與賈嶋同時曾從受學工藥府雜歌詩體似長吉氣雖壯適語過鑄鑿蓋其天資本劣未免按抑不出自欲亦一好奇尚僻之士耳集二卷今行

張碧

碧字大碧貞元間舉進士累不第便覺三山跬步雲漢咫尺初慕李翰林之高躡一杯一詠必見清風故其名字皆亦逼似如司馬長卿希蘭相如為人也天才卓絕氣韵不凡委興山水投閑吟酌言多野意俱狀難摹之景焉有歌行集二卷傳世子瀛

朱放

放字長通南陽人也初居臨漢水遭歲饑南來隱荆溪鏡湖間排青紫之念結廬雲卧釣水樵山嘗著白羅羅鹿裘笏履盤桓酒家時江浙名士如林氣流

儒雅俱從高義如皇甫兄弟皎徹上人皆山人也大曆中嗣曹王臯鎮江西辟為節度參謀有別同志曰潺湲寒溪上自此成離別迴首望歸人移舟逢暮雲頻行識草樹漸老傷年髮唯有白雲心為向東山月未幾不樂鞅掌扁舟告還貞元二年詔舉韜晦奇才詔下聘禮拜左拾遺不就表謝之志懷得失以此自終放工詩風度清越神理蕭散非尋常之比集二卷今行于世

羊士諤

士諤貞元元年禮部侍郎鮑防下進士順宗時累至

宣歙巡官王叔文所惡貶河朔寧化尉元和初宰相  
李吉甫知獎擢為監察御史掌制誥後以與竇群呂  
溫等誣論宰執出為資州刺史士諤工詩造妙梁選  
作皆典重早歲嘗遊汝九山有卜築之志勳名相迫  
不遂初心有詩集行于世

姚係

係河中人貞元元年進士與韋應物同時有詩名工  
古調善彈琴好遊名山希蹤謝郭終身不仕官祿亦  
不及之也廼林棲谷隱之士往還酬酢興趣超然弟  
倫詩亦清麗有集並傳

魏信陵

信陵貞元元年鄭全濟榜及第仕為鄆州望江縣令  
率工詩有集一卷今傳

張登

登初隱居性剛毅幅巾短褐交友名公後就辟歷衛  
府參謀遷廷尉平久之拜監御史貞元中改河南士  
曹掾遷殿中侍御史潭州刺史退居告老嘗晚春乘  
輕車出南薰門抵暮指宜春門入關吏捧牌請書官  
位登醉題曰閑遊靈沼送春回關吏何須苦見猜八  
十老翁無品秩三曾身到鳳池來其猶迫如此數年

坐公累被劾吏議摺據不堪感疾而卒有集六卷權  
德輿為序云

### 令狐楚

楚字殼士燉煌人也五歲能文章貞元七年尹樞榜  
進士及第時李諒巖殺鄭愔繼領大原高其才行引  
在幕府由掌書記至判官德宗喜之每省太原奏疏  
必能辨楚所為數稱羨之憲宗時累擢知制誥皇甫  
鐸薦為翰林學士遷中書舍人拜中書侍郎同平章  
事楚工詩當時與白居易元稹劉禹錫唱和其多有  
涉滄集一百二十卷行于世自稱曰白雲齋

### 楊巨源

巨源字景山蒲中人貞元五年劉大真下第一人及  
第初為張弘靖從事拜虞部員外郎後遷太常博士  
國子祭酒大和中為河中少尹入拜禮部郎中巨源  
才雄學富用意聲律細摺得無窮之源緩有愈雋求  
之味長篇刻琢絕句清冷蓋得於此而失於彼者矣  
有詩一卷行于世

### 馬逢

逢關中人貞元五年盧頭榜進士佐鎮戎幕府掌從  
軍出塞得詩名篇多警策有集今傳

王涯

涯字廣津貞元八年賈稜榜及第博學工文尤多雅  
 思梁肅異其才薦於陸贄又舉宏辭憲宗時知制誥  
 翰林學士俄拜中書侍郎平章事長慶中節度劍南  
 召為御史大夫遷戶部尚書監鹽鐵使進僕射涯權  
 鹽苛急百姓怨之及其露禍起就誅悉詬罵投以瓦  
 礫須臾成堆性齷不蓄妓妾家財累鉅萬嘗布衣蔬  
 食酷好前古名畫名畫充積左右有不可得必百計  
 傾陷以取之及家破往來人得卷軸皆剔取奩盒金  
 玉牙鬮餘棄道途車馬踐踏悉損法矣惜哉善為詩

風韻道坎殊超意表集十卷今傳不台泰近後盈屈  
 消息通理之常夫物盛者衰之漸也散者積之極也  
 有能終滿而不覆者乎况圖書入變化之際神物所  
 深忌者焉前脩耽玩成癖往往殺身猶非剽剝而至  
 也王涯培克聚斂以邀爵爵逼孤凌弱以積珍奇知  
 已之利忘人之害至於天奪其魄鬼瞰其家一旦飄  
 零殊可長歎孟子曰盆成括死矣傳曰貨悖而入者  
 亦悖而出不亦宜哉廢來者之少戒云公亦善文如  
 韓愈韓愈  
 愈字退之南陽人早孤依嫂讀書日記數千言通百



家貞元八年擢第九三詣光範上書始得調董晉表  
署宣武節度推官汴軍亂去依張建封辟府推官遷  
監察御史上疏論官市德宗怒貶陽山令有善政改  
江陵法曹參軍元和中為國子博士河南令愈才高  
難容累下遷乃作進學解以自諭執政奇其本轉考  
功知制誥進中書舍人裴度宣尉淮西奏為行軍司  
馬賊平遷刑部侍郎憲宗遣使迎佛骨入禁中因上  
表極諫帝大怒欲殺裴度崔群力救乃貶潮州刺史  
任後上表陳情哀切詔量移袁州刺史召拜國子祭  
酒轉兵部侍郎京兆尹兼御史大夫長慶四年卒

公英偉間生才名冠世繼道德之緒明列聖之心獨  
濟狂瀾詞彩繁爛齊梁綺靡毫髮都損有冠冕珮玉  
之氣官商金石之音為一代文宗使頽細復振豈易  
言也哉固無辭足以贊述云至若歌詩累百篇而駢  
駕氣勢若掀雷走電撐決於天地之垠詞鋒學浪先  
有定價也時功曹張署亦工詩與公同為御史又同  
遷謫唱答見於集中有詩賦雜文等四十卷行于世

### 柳宗元

宗元字子厚河東人貞元九年苑論榜第進士又試  
博學宏辭授校書郎調藍田縣尉累遷監察御史裏

行與王叔文常執誼善二人引之謀事擢禮部員外  
郎欲大用值叔文敗貶邢州刺史半道有詔貶求州  
司馬遍貶朝士書言情眾忌其才無為用心者元和  
十年徙柳州刺史時劉禹錫同謫得播州宗元以播  
非人所居且禹錫母老具奏以柳州讓禹錫而自往  
播會大臣亦有為請者遂改連州宗元在柳多惠政  
及卒百姓追慕立祠享祀血食至今公天才絕倫文  
章卓偉一時輩行咸推仰之工詩語意深切發纖縷  
於簡古奇至味於淡泊非餘子所及也司空圖論之  
曰無止於酸鹽止於鹹飲食不可熱而其美嘗在酸

鹹之外可以一唱而三歎也子厚詩在陶淵明下事  
應物上越之豪放奇險則過之而温厲靖深不及也  
今詩賦雜文等二十卷傳于世

### 陳羽

羽江東人貞元八年禮部侍郎陸贄下第二人登科  
與韓愈王涯等共為龍虎榜後仕歷東宮衛佐羽工  
吟與重十一上人交遊唱答寫難狀之景了了目前含  
不盡之意敏々言外如自遣詩云稚子新能編筍笠  
山妻舊解補荷衣秋山隔岸清猿叫湖水當門白鳥  
飛此景何處無之前後誰能道者二十八字一詩盡

圖非造次之謂也。警言句甚多。有集傳于世。

### 劉禹錫

禹錫字夢得中山人。貞元九年進士。又中博學宏詞。科工文章。時王叔文得幸。禹錫與之交。嘗稱其有宰相器。朝廷大議多引禹錫。及柳宗元與議禁中。判度支。鹽鐵案。憑藉其勢。多中傷人。御史竇羣劾云。挾邪亂政。即日罷。憲宗立。叔文敗。斥朗州司馬。州接夜郎。俗信巫鬼。每祠歌竹枝。鼓吹。俄延其聲。儉俸禹錫。謂屈原居沅湘間。作九歌。使楚人以迎送神。乃倚聲作竹枝辭十篇。武陵人悉歌之。始坐叔文敗者。雖放不原。

宰相哀其才。且困。將潔用之。乃悉遷神。遠州刺史。諫官奏罷之時。夕落魄。鬱々不自抑。其吐辭多諷詠。遠意感權臣。而憾不釋。久之召還。欲任南省郎。而作玄都觀看花君子詩。語譏忿當路。不喜。又謫守播州。中丞裴度言。播徭狃所宅。且其母年八十餘。與子死。決恐傷陛下孝治。請稍內遷。乃易連州。又徙夔州。後由和州刺史入為主客郎中。至京後遊玄都。詠詩且言始謫十年。還輦下。道士種桃。其盛若霞。又十四年而來。無復一存。唯兔葵燕麥動搖春風耳。權近聞者益薄其行。裴度薦為翰林學士。俄分司東都。遷太子賓。

客會昌時加檢校禮部尚書卒公恃才而放心不能  
平行年益晏偃蹇寡合乃以文章自適善詩精絕與  
白居易醉唱頗多嘗推為詩豪曰劉君詩在處有神  
物護持有集四十卷今傳

孟郊

郊字東野洛陽人初隱嵩山稱處士性介不諧合韓  
愈一見為忘形交與唱和於詩酒間自元十二年李  
程榜進士時年五十矣調溧陽尉縣有投金瀨平陵  
城林薄翳翳下有積水郊間往坐水傍命酒揮琴裴  
回賦詩終日而曹務多廢縣令自取以假尉代之分

其半俸歸官家居李翱分司洛中與談讌薦於興  
元節度使鄭餘慶遂奏為參謀試大理平事卒餘慶  
給錢數萬營葬仍贖其妻子者累年張籍謠為負暄  
先生門人遠赴心喪郊拙於生事一貧徹骨裘褐懸  
結未嘗俛首為可憐之奄然好義者更遺之工詩大  
有理致韓吏部極稱之多傷不遇年邁家空思若奇  
澁讀之每令人不懽如借車載家具家具少於車如  
謝炭云吹霞弄日光不定暖得曲身成直身如秋人  
獨有夜燭見一紙鄉書淚滴穿如下第云棄置復棄  
置情如刀劍傷之類皆哀怨清切窮入冥搜其初登

第吟曰昔日齷齪不足嘆今朝曠蕩因無涯春風得  
竟馬蹄疾一日看盡長安花當時議者亦見其氣度  
窘促卒漂淪薄宦詩識信有之矣天寶為之謂之何  
哉李觀論其詩曰高處在古無上平處下顧二謝云  
每陳長源工詩相與來往篇什稍多亦佳作也有咸  
池集十卷行于世

戴叔倫

叔倫字幼公潤州金壇人師事蕭穎士為門生賦性  
溫雅善舉止能清談無賢不肖相接盡心工詩貞元  
十六年陳權榜進士嘗在相庸幕數年父恂匪怠

吏部尚書劉公與祠部員外郎張繼書博訪選材日  
揖賓客叔倫投刺一見稱心遂就薦累遷撫州刺史  
政議薰黃民樂其治園扉寂然鞠為茂草詔書褒美  
封譙郡男加金紫後遷容管經畧使威名益振治亦  
清明仁恕多方所至稱最德宗賦中和節詩遣使者  
寵賜世以為榮還上表請為道士未幾卒叔倫初以  
淮汴寇亂魚肉江上携親族避地來鄱陽隸業勤苦  
志樂清虛閉門却掃與處士張衆甫朱放素厚范張  
之期曾不虛月詩興悠遠每作驚人句述夢十卷今  
傳于世

張仲素

仲素字繪之貞元十四年李隨榜進士與李翱呂溫同年以中朝無援不調潛耀久之復中博學宏辭始任武康軍從事貞元二十年遷司勳員外郎除翰林學士時憲宗求重綸詩文遺草勅仲素編集進之後拜中書舍人仲素能屬文法度嚴確魏文帝有云文以意為主以氣為輔以詞為衛此言得之矣其每詞未達而意先備也善詩多警句句亦精樂府往々和在官商古人有未能慮者集一卷及賦樞三卷今傳

呂溫

溫字和叔河中人初從陸贄治春秋梁肅為文章貞元十四年李隨榜及第中宏辭與王叔文厚善驟遷左拾遺除待御史使吐蕃留不得遣彌年溫在絕域常自悲惋元和元年遷進戶部員外郎與竇群羊士諤相愛群為中丞薦溫為衛史宰相李吉甫持久不報會吉甫病夜召術士群等因奏之事見羣傳上怒貶筠州無貶道州刺史詔徙衡州卒官所溫噪翰精膽一時流輩咸推尚性險躁謫怪而好利今有集十卷行于世

張籍

籍字大昌和州烏江人也貞元十五年封五紘榜及第授秘書郎歷太祝除水部員外郎初至長安謁韓愈一會如平生歡才名相許論心結契愈力薦為國子博士然性狷直多所責諷於愈亦不怠之特朝野名士皆與遊如王建賈島于鵠孟郊諸公集中多所贈答情愛深厚皆別家千里遊宦四方瘦馬羸童青衫烏帽故每邂逅於風塵必多殷勤之恩銜孟命素又况於同志者乎聲調相似况味頗同公於樂府古風與王司馬自成機軸絕世獨立自李杜之後風雅道喪至元和中暨元白諠詩為海內宗匠謂之元

和體病格稍振無愧洪河砥柱也樂天贈詩曰張公何為者業文三十春尤工樂府詞舉代少其倫杜終國子司業有集七卷傳于世

雍裕之

裕之蜀人有詩名貞元後數舉進士不第飄零四方為樂府極有精致集一卷今傳

權德輿

德輿字載之秦州人志冠以文章稱諸儒間韓洵嘗陟河南辟置幕府後從江西觀察使李兼府為判官德宗聞其材召為太常博士改左補闕中間累上書

直言遷起居舍人貞元十五年知制誥進中書舍人  
兼宋初歷兵部侍郎太子賓客以陳說謀畧多中元  
和五生自太常卿拜禮部尚書同中書門下平章事  
德與善辯論開陳古今覺悟人主為輔相尚寬不甚  
察々封枝風郡公德與能賦詩工古調樂府極多情  
致積思經術無不貫綜手不釋卷雖動止無外飾其  
醞藉風流自然可慕貞元元和間為薦紳羽儀有文  
集今傳楊嗣復為序

### 長孫佐輔

佐輔朔方人舉進士下第放懷不羈第舉輔貞元間

為吉州刺史遂往依焉後卒不宦隱居以求志然風  
流醞藉一代名儒詩格詞情繁縟不雜卓然有葉適  
之氣每見其擬古樂府數篇極怨慕傷感之心如水  
中月如鏡中相言可盡而理無窮也集今傳

### 楊衡

衡字中節雪山人天寶間避地西來與符載李群李渤  
同隱廬山結草堂於五老峯下號山中四友日以琴  
酒寓意雲月遺懷衡詩工苦於聲韻奇拔非常格敢  
窺其涯淡嘗吟罷自賞其作抵掌大笑長謔曰一一  
鶴聲飛上天謂其響徹如此人亦歎伏試大理評事





